

司馬文正公傳家集

卷八至卷十五



司馬文正公傳家集卷第八

後學桂林陳弘謀重訂

律詩三

感興寄聶之美

平生百無可強爲一官縻世味偏予薄  
心期獨子知林猿愁玉瑣櫪馬患金羈  
年事今華髮求榮欲爲誰

和江鄰幾金鈴菊

何處見佳菊秋風汶水陽酒浮金鐸  
細露泛蜜房香不謂紅塵地相逢君子  
堂依然故人意不減舊芬芳

寄清逸魏處士

鄉樹三搖落臨風歌式微徒嗟俗緣重  
端使素心違茅

閣杉松冷山園藥草肥不能如海鷺歲歲一西飛

贈清衍

我厭俗緣苦空爲薄宦牽如師真達者於世亦超然敝笠衝塵陌寒雲擁雪天崎嶇遠相顧深愧此心專

夢穉子

窮泉纖骨已成塵幽草閑花二十春昔日相逢猶是夢今宵夢裏更非真

二月二十四日館宿興宗舍後桃花盛開偶書

牖上

金馬春寂寂穠桃隨意開夕風零落盡不待主人來

二月三十日與同舍宴李氏園晚歸馬上賦詩

歸字

門前蹀躞金羈滿坐上連翩玉罕飛數尺遊絲留客醉  
一行垂柳送人歸同邀勝友時難得重到名園花已稀  
莫惜芳辰賸行樂無端風雨橫相違

和宋次道西都元日懷不疑并見寄

露冕優分竹題輿佐畫圻比年攜手樂茲日賞心違齋  
祀春來併娛遊別後稀誰憐從窶卒草際犯寒歸

酬次道板橋晚望見寄

春來曾約醉河橋深負垂楊千萬條今日都門相望處  
西風亂葉正蕭蕭

雙井茶寄贈范景仁

春睡無端巧逐人驅訶不去苦相親欲憑洪井真茶力  
試遣刀圭報谷神

正月二十四日夜雪

疊瓦浮輕雪參差粉畫難苦欺初變柳故壓未生蘭夜  
色微分白春容不受寒即為花卉奪猶得暫供看

酬不疑雪中書懷見寄

校理邵必

直道免三黜敢云羞小官盤餐紅粟澀衣桁黑貂寒書  
府容身易侯門曲意難荆扉盈尺雪有客問袁安

答師道對雪見寄

直講陳洙

陰風一夕驚曉雪滿都城氣覆千家白光連萬象清戀  
空飛不下弄態舞相縈歷亂看無定飄颻轉未成綴垣

時缺剝壓竹乍欹傾細隙過無滯寒牕拂有聲園林勻  
結練觀閣巧彫瓊草木情先喜乾坤意亦榮營魂頓疎  
健病目慙虛明郢曲高誰和羞將叩缶并

苦雨

積雨欲侵旬朝晡漫不分蒼涼微露日慘澹已生雲地  
半成泥滓天應厭垢氛時聞度鶴鵠空外自爲羣

酬師道雪夜見寄

玉樹交橫雪後天銀河沈著斗欄干筆峰微結冰絲澀  
燈暈初成花燼殘太學先生羶苦薄公車倦客履仍單  
欲吟佳句到清曉夜寂愁聞金石寒

昌言有詠石髮詩三章模寫精楷殆難復加僕

雖未睹茲物而已若識之久者輒復強為三詩  
以繼其後非敢庶幾有差適足為前詩之輿臺  
耳校理石揚休

萬古風濤浸石巖老苔垂足細鬢髮傳聞海底珠無數  
何事從來散不簪

金闕銀城仙客居欲傳消息問麻姑蓬萊無物堪為信

翦寄蒼龍一握鬚

琅菜來從若木邊

西王母傳有碧海之琅菜

非膏非沐綠宛延玉盤

委積羞嘉客不是陶家無饌錢

錢子高有徐浩詩碑石昌言借摹其文甫及數  
本石有微釁懼而歸之子高答簡有碎珊瑚之



戲昌言以詩贈子高同舍皆和司諫錢彥遠

徐公精筆老生神石刻猶能妙奪真幾爲通書翻喪寶  
愈令好事惜傳人鋒鋌半折猶能健圭璧微瑕自足珍  
直使盡隨如意碎石家玉樹未全貧昌言家圖書所收最多

又和雪霽

南宮來幾時挾纊易春衣意謂花將晚何言雪尚飛夜  
聲通旅枕曉色弄晴暉繼日勞王事離離鴈已歸

又和二月五日夜風雪

春風正豪怒夜雪復飄揚勿使羈愁亂自知清興長簾  
疎聲淅瀝燈冷暈微茫此夕牛衣客成名不可忘

喜范景仁直祕閣

延閣屹中天積書雲漢連神宗重其選國士此爲偏夫  
子岷嶠秀聲名俊造先清標峻不極勝氣駛無前待價  
猶懷璧臨岐首著鞭介推不求顯張季久方遷玉檻鈞  
陳上丹梯北斗邊帝容瞻日角閣有太宗聖容宸翰照星躔職  
秩曾無貴光華在得賢公卿殊未晚尚少買臣年

和伯鎮再入館

甘泉獻賦人流落浙江濱自歎三年謫歸來萬事新銓  
衡時進對戶牖日相親明主方思賈非徒問鬼神

雙竹詩

上苑通丹禁脩林繞玉堂周阿紆鏤檻並榦擢新篁蕭  
灑駢瑤甃連翩拂壁璫虬騰雙角直鯨噴兩鬚長曉泊

煙華重晴留雨氣涼分音成律呂齊秀待鸞凰碧借雲  
霞潤清依日月光物情知有謂天造固無方比節羣誠  
合虛心至道彰吾君愈勤德不敢有嘉祥

秦人

楚旗獵獵蓋山紅回首咸陽一炬空惆悵秦人虛用意  
幾年辛苦得山東

山頭春色

天意欲迴煦羣生稍鬱蒸平田猶未徧絕嶺獨先升翠  
色添崖柏寒聲折澗冰誰爲物外友挈手共同登

和子淵除夜

緹室重飛玉瑄灰物華全與斗杓回依依殘臘無情別

歷歷新春滿眼來，強取酒卮浮翠柏。懶開粽葉覓楊梅，  
男兒努力平生志，肯使功名落草萊。

和子淵元夕

神嶽嶢嶢闕角齊，銀蟾無影玉繩低。風傳絲管交加發，  
燈滉星河上下迷。清醴橫飛金鑿落，香塵不染錦鄣泥。  
誰知此夕齋祠客，近在宮城槐柳西。

冬夜

冬夜何其永，寒光四泐寥。鴈橫星歷歷，人靜漏迢迢。  
破屋霜應重，荒庭雪未消。不眠何所念，達曉思無憯。

答劉遵父謝龐公惠炭

東郭先生履半穿，禦冬深愧主人賢。應憐道上雪欲積，

意使爐中灰復然，麴蘖暗添寒。酒力圖書共，免濕薪煙。  
茅齋斗似饒，光彩客至何憂臘。後天

興宗

邵亢

許菊久之未得

菊栽許送定如何，庭下不堪秋草多。九日無花更無酒，  
便攜藜杖直相過。

得菊栽并詩

黃花小撥和煙斲，野興蕭蕭已相逐。同來更得兼詩句，  
久立看詩忘栽菊。

和同舍對菊無酒

黃花倚秋色，曄曄爲誰開。更使窺殘榼，空令洗舊杯。嗅  
香行繚繞，撚藥立徘徊。盡日柴門外，白衣來不來。

傅家集卷八  
六  
聶之美訪及不獲展奉以詩爲謝

昔君來闕下定館必吾廬今者雖相值依然是索居

美之

館於僧舍不堪休沐少便使往還踈深愧原思巷空迴長者

車

蘇門先生

長嘯蘇門石行藏世莫知道遙心迹遠寂寞姓名誰鄉  
在無何有時方不可爲麒麟本神物安得係而羈

和冲卿喜雨偶成

萬里風隨快雨來塵昏消伏旱光開物情濯熱參差喜  
天意爲仁容易迴簾映薄寒燈有暈牕含虛白麝成煤  
君侯雅有江湖興蕭灑何須氣象催

寄贈致仕劉都官

諷。張元常云諷年六十二致仕夫婦皆徙居簡州賴山

中有二子皆有官其一登進士第諸孫皆好書

星郎年未至辭祿一何高目瑩棲靈氣眉疎出秀毫曾

中自有樂身外盡徒勞回首紅塵地紛紛笑我曹

解紱沱江外誅茅井絡邊老萊夫婦隱韋孟子孫賢浮

蟻邀旁舍蹲鴟種薄田不須親几杖想望已蕭然范景仁詩

云移家尚恐青雲淺隱几唯知白日長朱公綽詩云疏草焚來應見史橐金散盡只留春

和吳省副

中復字仲庶

梅花半開招憑由張司封飲

伯玉字公達

帝鄉春色嶺頭梅高壓年華犯雪開正與嘉賓思共醉  
不須芳物重相催從車貯酒傳呼出側弁簪花倒載迴

風雨難期王事劇未知休沐幾旬來

依韻和仲庶省壁畫山水

畫工執筆已心遊稍稍蘅皋引杜洲堆案煩文猶倦暑  
滿軒新意忽驚秋天生賢者非無謂官遇明時未易休  
正恐怒飛朝暮事丹青難得久淹留

太博同年葉兄

紆

以詩及建茶爲貺家有蜀牋

二軸輒敢繫詩二章獻於左右亦投桃報李之意也

閩山草木未全春破類真茶采擷新雅意不忘同臭味  
先分疇昔桂堂人

西來萬里浣花牋舒卷雲霞照手鮮書笥久藏無可稱



願投詩客助新編

秋夕不寐呈諫長樂道龍圖

雨氣生煙暈霜寒入漏聲疎籬過螢影腐葉掩蟲鳴邱  
壑違初願簪裾徇外榮丹心終夜苦白髮詰朝生恩與  
乾坤大身如草木輕何階致明主垂拱視升平

始平公以光得免使北賜之以詩謹依韻酬和

皇華將命得人難專對非才輒自言幸免驅車涉沙漠  
尚容載筆侍宣溫不唯羞屈穹廬膝無奈常遊魏闕魂  
袞職區區未能補何時餘論奉清樽

孟嘗

冠蓋盈門意氣豪海魚兼雨未充庖歸來散盡三千客

方悟時人市道交

喜李侍郎

東之

得西京留臺

賤子何爲者，栖栖今二毛。  
滄波浮片葉，大塊載秋毫。  
利物何補營，身身已勞羨。  
君遺世網脫，屣一何高。

始平公新作雙樗庵命光爲詩

閒氣生王佐，多才秉國鈞。  
棟隆憑杞梓，節勁仰松筠。  
底績承平業，遺榮壽考身。  
結廬依散木，退讓樂天真。

忝職諫垣日，負憂畏緬思。  
雲夫處士老，兄蕭然。

物外何樂如之，因成浮槎詩寄獻以抒鄙懷

秋水浮槎客，漂如一葉輕。  
鷗羣須仗信，鯨口幾忘生。  
耿耿天津闊，滔滔海浪驚。  
何時還故土，懷糈問君平。

奉和何濟川代書三十韻寄諸同舍

金馬延羣雋芸香聚衆書  
杳疑神境絕深與世塵疎  
氣逼煙霄爽光分日月餘  
不才叨誤選故友幸聯居  
雲蓋森朝騎天闈謹契魚  
後先陪賈馬左右揖嚴徐  
朱閣霜清外璇題日上初  
辭林精采擷藝圃縱遊漁  
決勝楸枰暝窮歡綺席舒  
朝昏升紫闥咫尺待彫輿  
玉壘俄鄉思銅符忽詔除  
綵衣承几杖華轂照園廬  
四郭村垂蔭千塍稻散渠  
壺漿迎露冕饒吹擁高旗  
有德能仁虎無欺恥怒狙  
道塗繁揖讓犴獄絕淪胥  
滯穗棲場圃鳴桴靜里閭  
貧寧費官燭饑不茹家蔬  
翁子懷青綬文園駕赤車  
古今相與校勝負定何如  
上正開宣室人方誦子虛

追鋒行入謁委佩復傳臚撫已聊晞驥臨民遽起予居  
然耗廩祿豈不愧簪裾鶉翼顏何厚錐囊意未攄因循  
戀糠粃汨沒老塗淤自顧徒爲爾誠非益者歟俄承呂  
公檄遂策阮生驢驛騎傳巴徵詩筒達魯墟琳琅固無  
價燕石敢沽諸

和始平公貽一二賓僚

儒冠藹藹從平津東閣由來盛衆賓終始何嘗忘教育  
高卑曾不閒疎親共陪樽俎無虛日空喜谿山得主人  
白雪屢歌殊未和自知羞愧後車塵

留客

酒煙漠漠自生春舞袖飄颻拍拍新須信客歸絲竹散

清風白月解愁人

和始平公長句寄漢州何學士

勢交倏忽易蕭條  
賴有伊人尚建標  
須信松筠凌雪茂  
肯為蒲柳望秋凋  
欽賢高館三年別  
廣漢專城百舍遙  
書紙如雲詩叩玉  
數憑疾翼度青霄

何濟川有書見貽云以親老須守遠郡以便祿  
養不得如光在主人幕下因以詩答

千騎駸駸簇畫輶  
高旌大蓋五驂騶  
齋中酒美連翩醉  
湖上花繁爛漫遊  
雞犬相聞通故里  
旨甘不絕奉晨羞  
只應朝夕平津閣  
得向君前立勝籌

二月十一日與一二僚友遊叔禮園亭以詩戲

呈

下馬久徘徊林葉殊未開春風真有意須待主翁來

十四日小園置茶招宗聖應之皆辭以醉為詩  
贈之

草樹弄春暉家家倒載歸誰憐獨醒客日暝掩雙扉  
同僚有獨遊東園者小詩寄之三首

車馬東城路芬芳數里塵風光不相待愁殺未遊人  
咫尺東園樂無如簿領何春風連夜惡聞道落花多  
城樓傳晚鼓稍稍訟庭稀起拂衣中土還乘款段歸

小詩招僚友晚遊後園二首

五陵年少競春暉肥馬銀鞍白玉羈何似松閒煮新茗

更來花底覆殘棊

麥田小雨隴微青草樹欣欣照晚晴  
花下客來醒亦好猶勝閉戶過清明

小園晚飲

賦得春字

公府豐暇豫真成棄擲春  
招邀俱勝友爛漫醉芳辰  
花艷穠無敵文鋒健有神  
猶勝擁朱墨終日坐埃塵

李花

得韻同前

嘉李繁相倚園林澹泊春  
齊紈翦衣薄吳紵下機新  
色與晴光亂香和露氣勻  
望中皆玉樹環堵不爲貧

東牕

臨風梳短髮蕭颯晚涼新  
不識市朝客何如江海人  
沈

吟憑斐几歌側帶紗巾濁世事無盡東牕聊放神

奉和始平公酬大資政吳侍郎

道盛經綸業文高翰墨場雍容偃藩地密邇釣璜鄉回  
首紅塵遠清心白日長山形抱城堞谿影照公堂耙稴  
千塍碧芙蕖萬頃香跨波橫略徇遍地亞篔簹大埜禾  
麻溢高齋几席涼夔龍屢賡唱東壁正垂光

晚行後園見菊戲宜甫

野菊荒無數班班初見花徑須求一醉試遣問東家

野菊

野菊未嘗種秋花何處來羞隨衆草沒故犯早霜開寒  
蝶舞不去夜蛩吟更哀幽人自移席小摘泛清杯



秋夜

城上調秋角，煙閒發暝鍾。  
風枝搖宿鳥，霜草覆寒蛩。  
負觀書樂端，愁束帶恭慙。  
因羣吏散，還得遂幽慵。

再呈宜甫

西家壺已倒，次第向東鄰。  
朱戶如堅閉，黃花惡笑人。  
宜甫家有金鈴菊，客未之識。  
因代菊贈宜甫。  
主人倦邀客，寂寞委蒼苔。  
此日開無益，明年不復開。

深夜

疎星映戶月流天，羣動收聲四寂然。  
嗟爾寒蛩怨何事，悲吟徹曙亦無眠。

奉和始平公喜聞昌言修注

鳳口除書下九閣簪紳拭目仰殊恩曉提麟筆依華蓋  
日就螭坳記聖言桃李新陰方藹藹驂騮老至更軒軒  
主人喜見相如達趣召鄒枚洗玉樽

光與昌言俱出始  
平公門下昌言時

十年五

秋雨蕭條聞宗聖案伎應之飲酒詩呈宜甫

寒風細雨未晴天密似輕塵薄似煙一室獨吟圖史亂  
四鄰高會綺羅鮮鴈飛斜柱絃隨指蟹薦新螯酒滿船  
自笑不歌仍不飲昏昏只解枕肱眠

宜甫東樓晚飲

賓主俱歡醉高樓迥倚空形忘羈檢外酒散笑談中晚  
市煙初白秋園葉半紅登臨不厭數朝夕是寒風

昌言謫官符離有病鶴折翼舟載以行及還修  
注始平公以詩問之命光同賦二首

曾下青田啄玉苗泥沙病羽久蕭條謫仙不欲留塵世  
依舊提攜上碧霄

相閣書傳紫闥深破緘先問九皋禽不令一物傷天理  
仁愛方知真宰心

和聶之美重遊東郡二首

躍馬津亭未幾何宦遊容易十年過飄飄空似隨流梗  
寂寞猶爲挂壁梭西嶺應餘當日翠南湖真減幾分波

之美云南浦比  
舊水涸過半

輸君尚得飛征蓋重向春園聽舊歌

南湖重過正逢春官柳雖疎亦解新臺榭傾歌賓友散

傳家集卷八  
臨風愁殺獨遊人

大熱

山澤欲焦枯炎光滿太虛不知天地外暑氣復何如

夷齊

夷齊雙骨已成塵獨有清名日日新餓死溝中人不識  
可憐今古幾何人

龍女祠後塘自生荷花數枝與史誠之更相酬

和

平湖漠漠芰荷稠水國芳春不勝秋空有棹歌人不見  
晚風一曲去悠悠

越女行歌縱棹輕蒼茫別浦晚煙凝荷花折盡不歸去

潑灑扁舟不易勝

荷底清漣照綺羅長安公子舊情多躊躇不去知君意  
重唱吳音白紵歌

賀監家居逸興饒枝分鑑水闊容舸穿荷宜去邀漁叟  
共醉船頭半榼醪

清江向晚採蓮稀獨倚蘭舟久未歸目斷可堪人不至  
斜風細雨濕羅衣

素舸朱蓬青竹篙棹歌風散近還遙斜陽借問歸何處  
家住水村郎姓蕭

別殿無人利自芳玉階朱檻繞金塘館娃寂寞無西子  
羞與吳宮競曉粧

贈楚法曹叔度

夫君能直節不恥掾曹輕道果因時屈官無當已榮松  
杉雖偃蹇霜霰苦崢嶸會有良工識終觀大器成

寄楊州侯都監仲倫

木落淮南樹秋風日夜高月臨揚子渡雪卷廣陵濤不  
得同蕭散何因破鬱陶空憑尺書速未解夢魂勞

感懷

昨日春冰破水邊今朝臘雪墜風前歲華過目疾飛鳥  
壯志如何不著鞭

之美舉進士寓京師此詩寄之

結髮聲華盛無疑屈未伸何妨久垂翅從此欲驚人鷹

擊天風壯鵬飛海浪春行當解故褐不惜化京塵

風雨數日不見叔度晚約公明共詣之

雲雪連朝闇朋從歎坐違臨文與誰共開卷爲君稀趣  
掃六花散聊通一徑微當攜兔園賦同映讀書幃

南榮卮酒罷君返道東居坐作三朝別杳疑千里餘閑  
門嗟雀網深潭怯柴車向晚開簾喜彤雲稍覺疎

贈吳之才

勝冠自立艱難裏大器由來貴晚成松柏儻非生磊落  
巖崖何易出崢嶸蘇秦遊困羞妻嫂主父居貧厭弟兄  
六印佗年擁車騎會須重過洛陽城

寒食許昌道中寄幕府諸君

原上煙蕪淡復濃，寂寥佳節思無窮。  
竹林近水半邊綠，桃樹連村一片紅。  
盡日解鞦韆山店，雨晚天回首酒旗風。  
遙知幕府清明飲，應笑驅馳羈旅中。

和叔度獨登天臺水亭

郊外靈潭闊，新亭占曲隄。  
戲魚迎墜絮，驚雉出荒蹊。  
綠倒楊梢亂，光翻芰葉齊。  
雨餘纖月偃，野迥斷雲低。  
水氣常噴薄，天風助慘悽。  
何知塵外境，近在郡樓西。

喜孫器之來自共城

取友不無人，愛君天性真。  
遠尋窮巷宅，未拂滿衣塵。  
主禮貧尤重，交情別更親。  
誰家釀醇酒，盡醉準衣巾。

和聶之美鴈



汲汲復栖栖往來誰與期映雲纔可見入霧杳難追羈  
枕夢初斷寒閨涕已危冥冥遠繒繳愧爾獨知時

送王太祝

豫

知伊闕

百里驩迎新令賢儒經吏術盡家傳天開嶺阜竦雙闕  
地雜桑麻隘一川錦雉馴飛春陌上雪鳧高去夕嵐邊  
長才久屈君無限所惜斯民受賜偏

司馬文正公傳家集卷第八

蘇州府學教授浦起龍校字

石渠文王公軒

之入風香無明世計

一川論餘

今贊新

大跡

林夢味

必以野

司馬文正公傳家集卷第九

後學桂林陳弘謀重訂

律詩四

和何濟川漢州西湖雜詠十七首

清風臺

太守金閨客天朝應對才  
非因版輿戀寧駕使車來  
水鑑秋毫盡霜鋒錯節開  
清風徧千里不獨此高臺

佇月亭

燈火動魚磯湖邊過鳥稀  
孤蟾久未上五馬不成歸  
長嘯風生座高吟露滿衣  
閑情無日厭岸幘對清暉

藥圃

傳家集卷九  
三蜀膏腴地偏於藥物宜小畦千種聚春雨一番滋山  
相慙多識桐君未徧知他年似胡廣養壽復扶衰

竹塢

二何迹相繼竹塢日陰森

濟川詩注云前守何修撰不伐西湖竹予亦遵之

欲

識養民意先觀愛物心低垂樽俎冷密映管絃深勿怪  
湖光少年來碧影侵

射棚

疊鼓花前急紅旌竹外高驚飈分白羽餘響振烏號壯  
觀傾春陌謹聲涌夜濤因茲刑禮俗豈獨事遊遨

玉徽亭

房公昔漂泊置酒此鳴琴人事有憂樂山光無古今風

流俱寂寞結構尚蕭森松竹含虛籟猶疑絃上音

書樓

使君有書癖記覽浩無涯况此孤樓迴端無外物譁橫  
肱歆曲几搔首落烏紗此趣人誰識長吟牕日斜

朔會堂

朔旦集僚吏茲堂簪組繁舞空孤鶴下映日兩鳧翻花  
散東方騎萍浮北海樽須知太守貴鏡吹引朱輪

浮觴亭

曲水華棖下浮觴去復還浪搖花影碎日射酒缸殷滅  
沒遙尋客徘徊怯度灣窮歡不知醉清泚照心顏

清燕亭

傳家集卷九  
二  
波澄蔭羣木永日湛清華碧篠靜秋色白蘋低晚花松  
聲工醒酒泉味最便茶外事付丞掾無妨風景嘉

流芳橋

橋下流芳度餘春日夕催呼人洗樽竿招客藉莓苔倚  
柱時流滯隨波乍往迴仙家如不近安得此花來

曉景亭

簾櫳分曉色遠樹子規啼濃露侵衣冷晴煙壓水低神  
遊靈境健身入畫圖迷衙吏無煩報河洲鷺正棲

假山

廣漢土平遠已嫌邱壑踈呼工刻巖洞應手出庭除縹  
渺神仙宅嵌空虎豹居人功與天力秀絕兩何如

探花橋

橋邊春意近五馬屢徘徊湖水旦暮綠林花早晚開適  
因嘗酒到又爲賦詩來借問雙華表經過日幾回

樂軒

繁絃凝綠水疊鼓摻漁陽風結舞初急塵飛歌正長鳧  
鷺爭上下棟宇爲低昂太守且安坐新聲未遽央

坐船

使君張皂蓋高宴碧湖心苒蒨牽菱蔓夷猶泊柳陰晚  
風侵坐冷春浪沒篙深倒載歸何晚波間夕照沈

枇杷洲

周官斂珍珠

場人掌國之場圃而樹之果蓏珍異之物  
以時斂而藏之鄭康成曰珍異蒲桃枇杷

屬漢苑結芳根初修上林苑羣臣遠方各獻名果異樹有枇杷十株何意荒洲上

猶餘嘉樹存犯寒花已發迎暑實尤繁願逐蒲萄使離

宮奉至尊

寓泊鄭圃寄獻昌言舍人

旅食緇衣館飄蓬况自迷樹橫寒霧遠山隱古原低愁  
暮空庭雀驚晨別墅雞故人何處在依約玉繩西

奉和始平公憶東平二首

相印東臨汶水陽兩看春葉與秋霜登山置酒延鄒湛  
上馬回鞭問葛強谿竹低垂寒滴翠露荷相倚淨交香  
宵夜深念長城固肯得從容傲醉鄉

千巖秀色擁晴川萬頃波光上下天委地魚鹽隨處市



蔽空桑柘不容田  
訟庭虛靜官曹樂  
儒服寬長邑里賢  
不爲從知方負羽  
獨乘魚艇老風煙

和運使舍人北園餞別行憇三交僧舍冒雪宿  
百井關見寄

驪駒北上雪孱顏  
矢前驅度漢關  
僧室松杉清照眼  
驛亭煙火迴依山  
馬銜邊草枯猶瘦  
鴈怯胡雲冷未還  
賤子不須回首問  
鬢毛蕭颯簿書間

又和留題定襄驛

按節羊腸阪  
褰帷並塞州  
仁風熙愛日  
清德凜高秋  
甘澤隨征蓋  
華星近戍樓  
他年叱馭事  
直筆寄歆彪

又寄獻

傳家集卷九  
承明共直廬瞬息八年餘幸託屏星駕前迎使者車跡  
雖殊貴賤心不置親踈青眼披情素猶如相見初

自嘲

英名愧終賈高節謝巢由直取雲山笑空爲簪組羞浮  
沈乖俗好隱顯拙身謀惆悵臨清鑑霜毛不待秋

讀潁公清風集四首

伊臯垂訓皆王度周召陳詩盡國風非獨立言方不朽  
相君功業自無窮

人生百歲隙中光唯有高名久不亡千古但令編簡在  
清風養物一何長

佳城鬱鬱閔英靈幸有文章見典刑開卷未終雙袖濕

目前髣髴對淵庭

一言華袞足爲榮况託文編久愈明鄒湛不逢羊叔子

世間何處復知名

公集有遺光詩數章

贈狄節推

國賓梁公之孫

天馬雲孫在終然骨相竒泥塗辱雖久霜雪志難移白髮無嗟老青衫莫厭卑爲山已九仞高節肯中衰

感春

積草滿春庭衡門永晝扃波頭何事白柳眼爲誰青榮落浮雲度悲歡熟醉醒繁華非我物隨意任飄零

不寐

四遠寂然羣動收只餘嚴鼓度坊樓無由更續三更夢

何處飛來一點愁

雞

羽短籠深不得飛  
久留寧爲稻粱肥  
膠膠風雨鳴何苦  
滿室高眠正掩扉

皇祐二年謁告歸鄉里  
至治平二年方得再來

愴然感懷詩以紀事

十六載重歸順塗  
歌式微青松敞廬  
在白首故人稀外  
飾服章改流光  
顏貌非巫咸  
舊山色相見尚依依

辭墳

嘉祐元年通判并州因公事至絳私歸拜墳不敢至夏縣而去於今十年矣

十年一展墓  
旬浹復東旋  
豈負襁褓愛  
橫遭章綬纏  
更來知幾日  
遺恨恐終天  
慟哭出松徑  
悲風爲颯然

謁三門禹祠

信矣禹功美獨兼人鬼謀長山忽中斷巨浸失橫流迹  
與天地久民無魚鼈憂誰能報盛德空爾薦醪羞

巖巖青崖裂喧唳白浪豪客舟浮木葉生理脫鴻毛柏

映孤峯短

水際孤峯甚細而高上有小柏者舊相傳不知幾何年矣而止長尺餘人莫測其理銘

書絕壁高

唐太宗刻銘砥柱之陰魏鄭公撰字幾盈尺殘缺僅可讀河師不耕織容

易戲風濤

遊三門開化寺

山石古來色河流無盡聲行船自往返羣木幾枯榮狂  
象調難伏空華滅復生我來何所得聊此濯塵纓

三月十五日宿魏雲夫山莊

二首

先生嫌俗賓猶與故鄉親不惜煙霞地暫容繯鎖身林  
廬深有徑雞犬四無鄰款款聞花墮蒼蒼古柏春飯炊  
松粒細盤采蕨芽新靜覺精神健閑知氣味真谿泉冷  
毛髮山翠濕衣巾竹色消醒易林聲破夢頻客輪來去  
轍驛路古今塵明日空回首白雲應笑人

聞道山家門鎮開獨驅瘦馬出塵埃白雲明月先無約  
何事今宵亦此來

留別逢吉

君念承明臭味稀相逢惜別重依依會稽太守方坐嘯

東郭先生還步歸

嚴助朱買臣皆爲會稽守東郭先生孝武時待詔公車

樂飲林

塘留節物餞行里舍動光輝雙旌迴去行人發一帶長

臯煙雨微

陝城桃李零落已盡  
硤石山中今方盛開  
馬上

口占

西望飛花千樹暗  
東來芳藥一番新  
行人不惜泥塗倦  
喜見年光兩處春

自澠至洛循穀水行百餘里

已煩穀水遠相送  
更得嵩峯遙見迎  
水碧峯青看未足  
却愁前到洛陽城

田橫墓

在偃師西

昔時南面並稱孤  
今日還爲絳灌徒  
忍死祇能添屈辱  
偷生不足愛須臾  
一朝從殉傾羣客  
千古生風激懦夫

直使強顏臣漢帝韓彭未必免同誅

登平陸北山回瞰陝城奉寄李八文學士使君

二十二韻

漢家二千石體望向來尊况復嚴徐客從前益稷孫公

侯貴不絕禮樂器長存符竹臨分陝聲光應列藩親闡

先契重三司同僚子舍近交敦滑州同幕柏壟依仁域棠陰接故

園懷歸聊露請予告辱推恩荷役煩疆候停車下郡門

帷廡紛大館騶騎屈朱轡不以黎苗待還將臭味論森

羅牢禮重滅裂俗儀煩霜霽威嚴息春生笑語温草微

侵碧甃塵不染華軒日影搖雲棟風痕過玉樽落塵歌

迴出激楚衷雙翻雅戲象交局珍肴熊薦躡河梁俄首



路汾曲訪吹塤舉手辭雙戟騰裝改北轅  
鴈泊野蕪暄耿耿清標闊泔泔宿酒昏  
百蟠紫阪道數里豁川原跋馬風煙外  
依稀鼓吹喧

員村坂

其東八政水即古之傅巖有傳說廟又東北虞城古虞公之國也

穹谷鬱盤紆河瀕陝北隅泉流涓不絕  
岡勢儼相扶初旭紛高下空煙似有無  
石灘醒耳快嶠樹窅雲孤天霽嵐光活  
人稀草色蘇牧兒歌自若樵子遠相呼  
壞道傍連傳空城右指虞窮巖今寂寞  
蔓草只荒蕪野店寒餐澀山程瘦馬瘠  
物華供興趣亦足慰崎嶇

頃爲諸生常受經於錢文學賦於張文  
今廼叨忝同爲侍臣蒙錢丈置酒張丈  
賜詩愧悚之深

言志為謝

疇昔勝冠日曾為絳帳生  
九言聞善教一顧得虛聲  
不意叨嚴近於今接老成  
寧須詩酒賜侍坐已知榮

次韻和韓子華寒食休沐與諸公同會趙令園  
暮歸馬上偶成

冠蓋連翩陌上來風光爛漫擁樓臺  
玉卮貯酒隨宜飲綺席尋花觸處開  
小雨前宵先潑火季春明日又吹灰  
須知勝集人間少惆悵金羈容易迴

景仁召遊東園馬上口占

適野自可愛况逢佳主人馬穿官柳影  
衣拂帝城塵物外誰知樂樽前別有春  
年華已消歇歷歷見松筠

贈河中通判朱郎中

壽昌侍郎巽之子襁褓中母劉氏被出壽昌長而訪

之不能得熙寧中知廣德軍年五十三乃乞尋醫身自訪求得於同州為民黨氏妻迎以

歸奏授封邑壽昌揚州人以其母子孫俱在同州故折資通判河中

陟岵今將老扶牀昔未行旨甘無所展朱紫不為榮里巷傳呼入比鄰失涕驚方知貫金石何以易精誠

蘇才翁子美有贈扶溝白鶴觀黃道士詩紀于屋壁歲久漫滅今縣宰周同年得完本於民間

抵予求詩

潦倒黃冠無足論白頭嗜酒住荒村狂名偶為留詩著陳迹仍因好事存金石鏘洋虛殿寂龍蛇灑落古墻昏飛黃滅沒浮雲外疲馬何能望駿奔

傳家集卷九  
九  
長垣道中作

極目王畿四坦然方輿如地蓋如天始知恃險不如德  
去殺勝殘已百年

再使河北

桑麥青青四月初皇華使者又脂車為臣豈得辭王事  
只向金鑾坐讀書

河北道中作三首

綠柳陰中白浪花河邊日日暗風沙解鞍縱馬悄無事  
隱几看書隨處家

河勢東迴今幾年濃陰滿目盡桑田川原變化無終極  
一氣不為常寂然

原上纍纍古冢高昔時意氣盡賢豪  
斷碑名姓已磨滅  
永日東風吹野蒿

夜發長垣

長塗暑氣劇永日卧郵亭晝伏如墻鼠  
宵行似野螢歇  
鞍沙月白拂面柳風醒歷歷瞻雲漢  
誰爲二使星

和景仁瓊林席上偶成

時康與禹玉景仁次道之子同時登科在席

念昔瓊林賜宴歸綵衣綠綬正相宜  
將雛雖復慰心喜  
負米翻成觸目悲殿角花猶紅勝火  
樽前髮自白如絲  
桂林衰朽何須恨幸有新枝續舊枝

早朝書事

太白明如李東方三丈高晨光孤照闕  
霧氣濕侵袍槐

柳經霜慘驂騑得路豪素餐無小補俛仰愧金鰲

登長安見山樓

到官今日纔得一朝閑歲晚愁雲合登樓不見山

和吳仲庶寄吳瑛比部安道之子壯年致政歸

隱蘄春

負米承親願已賒遭母憂服除遂致仕恥隨雞鶩啄泥沙一朝投

紱真高士萬卷藏書舊世家齒髮未衰非藥物山林不

返為雲霞龐眉尚有郎潛者狗祿憂生直可嗟

別長安

暫來還復去夢裏到長安可惜終南色臨行子細看

初到洛中書懷

三十餘年西復東勞生薄宦等飛蓬  
所存舊業惟清白  
不負明君有樸忠早避喧煩真得策  
未逢危辱好收功  
太平觸處農桑滿羸取閭閻鶴髮翁

和景仁題崇福宮

二首

歷歷山頭雪泠泠松下風樽中亦有酒  
恨不與君同  
不獨山頭白人頭亦垂素積雪有時消  
青山色如故

早行

寒犬吠柴門荒鷄鳴遠村河聲空自急  
月影不曾渾木  
末星猶白榛中露已繁客心獨惆悵  
四顧與誰言

酬終南閻諫議

詢見寄

齒衰心力耗揣分乞西臺微祿供多病  
閑官養不才敝

傳家集卷九  
十一  
廬容嘯傲清洛伴歸來故友猶相念寒光生死灰

寄成都吳龍圖同年

照席燭花煖隨車劔騎寒江山資秀句風月助清歡政  
簡坤維靜仁深井絡安行歌與獨酌豈得並閑官

花庵獨坐

荒園才一畝意足已爲多雖不居邱壑常如隱薜蘿忘  
機林鳥下極目塞鴻過爲問市朝客紅塵深幾何

秋夜

浮雲一消散星斗粲長天浩露灑翠柏清香生白蓮體  
涼猶衣葛耳靜已無蟬坐久羣動息秋空唯寂然

平日遊園常策筇杖秋來發篋復出貂褥二物



皆景仁所賦覩物思人斐然成詩

筇杖攜已久貂褥展猶新漸染岷山雪拂除京國塵危  
扶醉歸路穩稱病來身賴此齋中物時如見故人

雲

晴空碧於水那得片雲飛映日成丹鳳隨風變白衣去  
來皆絕迹隱顯兩忘機天理誰能測終然何所歸

閑來

閑來觀萬物在處可逍遙魚爲貪釣得蛾因赴火焦碧  
梧饑鸞驚白粒飽鷓鷯帶索誰家子行歌復採樵

贈邵堯夫

家雖在城闕蕭瑟似荒郊遠去名利窟自稱安樂巢雲

歸白石洞鶴立碧松梢得喪非吾事何須更解嘲

花庵多牽牛清晨始開日出已瘁花雖甚美而  
不堪留賞

望遠雲凝岫粧餘黛散鈿縹囊承曉露翠蓋拂秋煙嚮  
慕非葵比彫零在槿先才供少頃玩空廢日高眠

花庵二首

誰謂花庵小纔容三兩人君看賓席上經月有凝塵  
誰謂花庵陋徒爲見者嗤此中勝廣厦人自不能知

和楊卿中秋月

秋氣平分夜沈陰乍散天窺林初淡薄照席忽孤圓冷  
入詩毫健光浮醉弁偏嘉賓勿輕去桂影正娟娟

樂

吾心自有樂世俗豈能知不及老萊子多於榮啓期  
緼袍寬稱體脫粟飽隨宜乘興輒獨往攜筇任所之

和邵堯夫秋霽登石閣

飛簷危檻出林端王屋嵩邱咫尺間獨愛高明遊佛閣  
豈知憂喜滿塵寰目窮莽蒼纖毫盡身得逍遙萬象閑  
暇日登臨無厭數悲風殘葉已珊珊先生冬夏俱不出

和河陽王宣徽

拱辰字君貺

九日平嵩閣宴集

九日英僚集千秋勝賞同飛橋貫河渚危閣壓霜風  
金散黃花泛雷驚疊鼓通百峯高鳥外萬里寸眸中  
檻底臨丹葉杯中倒碧嵩來雲低拂座去鴈遠沈空  
吹帽陪

傳家集卷九  
遊阻搖旌結想叢風流免堙滅鄒湛倚羊公

和任開叔觀福嚴院舊題名

墨蹤塵淡鬢華新猶喜重來值故人二十二年如轉目  
洛陽不改舊時春

柏梯寺

鑿石開蹊峻登崖置閣危笑談空谷應步武白雲隨衆  
壑如翻浪鄰州若布棊何當遂棲隱身世兩相遺

重過華下

昔辭蓮幕去三十四炎涼舊物三峯雪新悲一鑷霜雲  
低秦野闊木落渭川長欲問當時事無人獨嘆傷

和李君錫惠書及詩勉以早歸

書意勤渠詩意新清如白雪暖如春  
西遊不盡谿山樂策馬歸來就故人

和君錫雪後招探春

莫嫌微雪壓梅芽已有歸鴻泊浦沙  
天上詔來難久駐直須早看洛陽花

又和早春夜雪

繁雲回夜色凌亂落春雲虛幌寒相襲  
華堂靜不聞玉卮深可敵銀燭近微分  
誰念牛衣客窮經白髮紛

醉

厚於太古暖於春耳目無營見道真  
果使屈原知醉趣當年不作獨醒人

雪寒取酒

雪意久未就寒雲低不收飄揚插孤幟迢遞映高樓試  
假賢人濁聊攻客子愁呼僮攜小榼更準黑貂裘

留別東郡諸僚友

際日浮空漲海流蟲沙龍蜃各優游津涯浩蕩雖難測  
不見驚瀾曾覆舟

白璧紫金爲世寶賢愚知貴莫能名廟堂祭器杯盤物  
隨處得之光彩生

楚國良金百鍊精深藏求售價連城豈徒豐獄吹毛利  
兼有秦臺照膽明

袒帳飄揚隄柳邊北來飛蓋復連翩追隨不忍輕言別

迴首城樓沒晚煙

空府同來賢大夫短亭門外即長塗不辭爛醉樽前倒  
明日此歡重得無

追和張學士從沂公遊廣固城

蒼鵝集宋幕遊鹿上燕臺霸氣山河盡王師江漢來重  
圍經歲合巖鎖夜深開廢殿餘沙礫頽墻蘳草萊清時  
閒千歲良牧借三台獄市乘餘暇蕪城賦上才

去歲與東郡幕府諸君同遊河亭望太行雪飲  
酒賦詩今冬罷歸京邑悵然有懷

疇昔追清景狂吟忘苦寒河冰塞津口山雪照林端健  
筆千篇富醇醪一醉歡困猶揮落塵暝不顧歸鞍多事

光陰駛離羣會合難誰知塵滿袖今日客長安

貢院中戲從元禮求酒 太常博士畢田

顧我虛壘恥知君餘瀝多庭前有春雪如此薄寒何

石昌言學士宰中牟日為詩見寄久未之答今

冬罷武成幕來京師此詩謝之

昔年三月浪鱗翼化雲雷竹箭流俱上芙蓉幕對開 釋褐

昌言除同州推官漢泉揚沸渭泰華聳崔嵬捧檄容歸省

飛觴復屢陪 時先人知同州光以吏事芬芳襲芝室嘉

慶侍蘭堦吳壁評殘筆隋碑讀漬苔 同州龍興寺即隋文帝故宅寺有李

德林撰碑國公吳道子畫畫或未就而止云以俟後之能者清陰依玉樹和氣樂春

臺薄宦俄成別私門忽遇災一朝捐綵服五載泣麤縗



季路還從仕任安獨見哀  
近畿須健令劇邑試長才  
過目全牛解迎鋒巨枿摧  
雉留乘蔭伏蝗避境苗迴  
時得鳴琴暇仍飛麗句來  
正知榮篋笥無足報瓊瑰  
紉鼓俄攀鄧安車已召枚  
賦成平樂館燕奉柏梁盃  
自顧誠駑緩于今尚草萊  
履穿羞路雪蓋敝怯京埃  
儻借餘光便炎風動死灰

昌言見督詩債戲呈絕句

學餒才貧杼軸勞踰年避債  
負詩豪倒囊不惜償虛券  
未敵瓊瑤舊價高

靜夜

午夜空齋四悄然清寒透骨  
不成眠秋風故揭踈簾起

傳家集卷九  
正漏月華來枕前

春

紅桃素李競年華  
周徧長安萬萬家  
何事青青庭下柏  
東風吹盡亦無花

寄題陟岵寺

鄭南峯下寺前軒  
反景分明見渭川  
爲報十年容易別  
於今愁悴不如先

寄鄭縣史令千之

前君爲白馬尉廨舍前即南浦今西溪封內勝地也

憐君比比得佳縣  
勝槩閑情雙有餘  
爲看西溪日沈後  
何如南浦月生初

長春宮柳遠扶踈  
新樹應多舊已枯  
蠹柱苔墻徧尋歷

古亭猶有杜詩無

閏正月十五日夜監直對月懷諸同舍 二首

霧淨金波溢天開碧幕空夜寒雖料峭春意自冲融  
熠熠枝上露脩脩竹杪風颺還林野興不似畜樊籠

澹薄春雲散低昂北斗橫微分漢津鴈靜識建章更濁  
酒憐虛爵高文憶友生前軒空不掩悵息負孤清

鴈歸

亦知南國稻梁肥水滿春江努力歸聞道楚人繒繳細  
平沙短草盡藏機

司馬文正公傳家集卷第九

蘇州府學教授浦起龍校字

平心強草盡蕪辦

...

...

...

...

...

...

...

...

司馬文正公傳家集卷第十

後學桂林陳弘謀重訂

律詩五

贈祖擇之

人生榮與辱百變似浮雲自有窮通定徒勞得喪分  
消愁唯有酒娛意莫如文方寸常蕭散其餘何足云

和宋子才致仕後歲旦見贈

閑官逢獻歲拜揖亦紛然須信家居日方爲已有年  
劬勞中外徧名迹始終全伯玉空搔首蹉跎愧在前

上元書懷

老去春無味年年覺病添酒因脾積斷燈爲目痾嫌勢

位非其好紛華已久厭唯餘讀書樂暖日坐前簷

喜才元過洛小詩招飲

素髮各垂領舊交相見稀不唯春物好况是錦衣歸洛

社凍醪熟

詩注春酒凍醪也

伊魴絲繪肥

唐人諺曰洛鯉伊魴貴於牛羊

南軒

已灑掃命駕不須違

仲庶同年兄自成都移長安以詩寄賀

蠶叢龜印解鶉野隼旗新借問錦江樂何如興慶春驪  
歌遮去轍竹馬望行塵惠政如膏雨遙知彼此均

西臺詩二十四韻

翰苑昔陪侍天光辱顧瞻寵雖承渙汗功不立毫纖山  
鹿纓頻頓鈇刀礪不銛拭花眸子缺撚雪領髭添跼影

慙尸素胡顏處禁嚴辭盈雖免戾取少詎因廉定鼎分  
都異張官執法兼剡章愚懇盡出綽茂恩霑原憲非無  
粟胡威尚有縑求田近漕洛買宅混閭閻地僻宜花卉  
兒勤付米鹽倦遊良足悔居吉不煩占裘葛膚無見困  
倉飯屬饜僧居閑可借野步靜無嫌行藥筇枝瘦延賓  
稻醴甜麥田泥試屐桑蔭帽低簷愛竹忙猶種貪書老  
未厭松煙溪石潤檀燼博山尖牋啓來慵拆衣冠脫怕  
拈紫毫斜倚架黃卷密垂籤涸轍猶蒙潤寒灰免附炎  
所憂資秩滿但願歲時淹自是散無用非爲智養恬聖  
朝英彥富幸許一夫潛

和邵堯夫年老逢春

年老逢春春莫咤朱顏不肯似春回酒因多病無心醉  
花不解愁隨意開荒徑倦遊從碧草空庭慵掃自蒼苔  
相逢談笑猶能在坐待牽車陌上來

和范景仁謝寄西遊行記二首

洛川秦野鬱相望風物山河舊帝鄉澗底逢人問樵徑  
松間繫馬宿僧房恨無同好攜三雅共講前聞醉百場  
李白詩痛掃鸚鵡洲與君醉百場歷徧勝遊翻悵望日邊回首遠煙蒼  
八水三川路渺茫翠微深處白雲鄉目矐懶拭如松液  
領髮頻抓似栗房林壑不嫌無用物形骸難入少年場  
緣苔躡蔓知多少千里歸來屐齒蒼

獨步至洛濱二首



拜表歸來抵寺居  
解鞍縱馬罷傳呼  
紫衣金帶盡脫去  
便是林間一野夫

草軟波清沙徑微  
手攜筇竹著深衣  
白鷗不信忘機久  
見我猶穿岸柳飛

送酒與邵堯夫

紅櫻零落杏花開  
春物相催次第來  
莫作林間獨醒客  
任從花笑玉山頹

再和邵堯夫年老逢春

年老逢春猶解狂  
行歌南陌上東岡  
晴雲高鳥各自得  
白日遊絲相與長  
草色無情盡眼綠  
花林多思襲人香  
吾儕幸免簪裾累  
痛飲閑吟樂未央

又和來韻

年老逢春無用驚對花弄筆眼猶明不嫌貧舍舊來驚  
喚起醉眠何處鷺一僕相隨巾幅出羣童聚看小車行  
人間萬事都捐去莫遣胸中氣不平

邵堯夫許來石閣久待不至

淡日濃雲合復開碧嵩清洛遠縈迴林端高閣望已久  
花外小車猶未來

石閣春望

極目千里外川原繡畫新方知平地上見不盡青春

和邵堯夫安樂窩中職事吟

靈臺無事日休休安樂由來不外求細雨寒風宜獨坐

暖天佳景即閑遊  
松篁亦足開青眼  
桃李何妨插白頭  
我以著書為職業  
為君偷暇上高樓

和范景仁聞蟬

春林滿巖綠誰信已鳴蟬  
葉上正多露山中別有天心  
閑寧感物道合况忘年  
坐聽生秋思何須膝上絃

和范景仁宿憩鶴寺

回廊複閣勢縈紆  
四嶺中涵一氣虛  
最愛欣欣向榮木  
每來相見不相踈

遊噴玉潭二首

其日大風

驚風動地起遊客  
望山行若待佳辰  
去應無好事名  
萬木吼穹谷  
駑駘屹不前  
猶勝望塵客  
佇立九衢邊

和范景仁

昨朝景氣如暑天  
僮僕流汗衣裘單  
安知向曉暴風作  
一變陽春成大寒  
此時結友尋名山  
伶俜徒步水石間  
棘刺罨衣行路難  
枯藤壽柏同攀援  
驚沙擊眼百箭攢  
時得閉爍窺林巒  
景仁年長力更孱  
牽衣執手幸不顛  
仍聞旁谷有伏虎  
賴得與君俱早還

遊山呈范景仁

景仁年六十三致仕

我祿多龔舍

舍為吏不過六  
百石輒自免去

君年少孔

殫

殫七十致仕  
韓愈留之

道心閑始見世路老  
方知山水不相厭  
風光難豫期嬉遊  
不可緩花卉即離披

和范景仁遊壽安

宜陽城下作遊人都為衣冠不繫身衆竅怒號成地籟也勝終日在紅塵

噴玉潭

千尺崖頭一派清古今不絕墜崢嶸長風卷起散巖壑此日方知噴玉名

疊石溪二首

道傍行采藥石底卧題名

溪邊有石橫出下甚隘景仁卧其下題名而去野老

相迎拜谿童乍見驚

山鳥勸人飲

山多提壺鳥

山蟬笑我狂

山蟬聲如笑

歸時興未盡

不得看斜陽

和范景仁疊石溪

谿邊有村落未始識紛華去縣只數里居民踰百家山  
腰荒徑轉谷口翠微遮老木紛無際重巒浩莫涯力窮  
纔到頂勢盡復成窪不定雲煙色難名藥草芽泥鈞羅  
比屋澗石載連車谷口多蠶窠土人自女兒  
澗采石載來賣之爲油宛有淳風  
在誰云太古遐梁隨木性曲簷逐地形斜榛路牛呼犢  
叢祠雀噪蛇倚崖松偃蓋落石浪翻花安用遊青嶠何  
須躡紫霞好將詩筆寫還入帝城誇已買漁樵舍毋令  
後約差

應天院朝拜回呈景仁

雞鳴上馬過河橋何異東都赴早朝紅日已高猶熟寢  
比君殊未得逍遙

和景仁卜居許下

景仁頃見許居洛今而背之故詩中頗致其怨

壯齒相知約歲寒索居今日鬢俱班拂衣已解虞卿印  
築室何須謝傅山許下田園雖有素洛中花卉足供閑  
侂年決意歸何處便見交情厚薄間

喜雨三首呈景仁侍郎兼獻大尹宣徽

累日增煩暑通宵結薄陰蒼忙變風色散漫作春霖野  
店垂楊重僧房綠篠深疎慵尤得趣閉戶擁重衾  
漠漠春雲合熾熾旱氣收人心方有望時雨不須求豈  
獨老農喜仍令惡客留洛城花未謝作意更同遊  
麥田正塵盆桑徑忽滂沱比屋起相告荷鋤行且歌園  
林半局鎖車馬絕經過大尹愛民物何妨喜更多

傳家集卷十  
六  
亨祀下第作詩示之

清白君家舊文章時態新何妨偶蹉跌未必遂沈淪莫  
歎科名晚惟憂道誼貧進脩專在已得失盡由人孝友  
亦爲政簞瓢足養親那將少年淚容易輒傷春

景仁思歸雨未克行以詩留之

嘉客念歸程泥深未可行今朝陰又重春雨亦多情

送景仁至丁正臣園寄主人

客到暫開扃春蕪生滿庭主人殊不顧修竹爲誰青

和君貺老君廟姚黃牡丹

芳菲觸目已蕭然獨著金衣奉老仙若占上春先秀發  
千花百卉不成妍



又和董氏東園檜屏石牀

密葉蕭森翠幕紆  
斲來猶恨不長居  
脫冠解帶坐終日  
花落石牀春自如

奉同運使陳殿丞

知儉字公廩

惜洛陽牡丹爲霜風

所損

名花多種欲紛敷  
一夕霜風非所虞  
節物偶然何足道  
人情遺恨不能無  
飄飄健筆詩千首  
惆悵東風酒百壺  
縱使前春滿朱檻  
使車那復滯西都

又和惜春謠

朝來風雨歇春意  
漠然收去我不辭  
訣憑誰能借留杓  
星漸西轉洛水自  
東流曲渚撤華幄  
芳園罷彩球雉鳴

邱麥秀蠶起野桑柔亂絮天涯滿晴陽草際浮已嗟心

緒減况復鬢絲稠賴聽新翻曲非為負勝遊劉伯壽坐中度曲命

曰惜春謠

還陳殿丞原人論宗密所撰破自然破元氣破天命明佛性

品物芸芸遊太虛不知誰氏宰洪爐一株花落分榮辱

萬竅風號見有無覺後共占猶是夢衣中所得亦非珠

何如鼓瑟浴泥水春服成時詠舞雩

和王秀才虞仲字道齊以光始自陝右遊山歸復將

登少室為詩見寄

瘦馬飄飄屢往還疲勞專為訪名山須知筋力行將老

漸恐峯巒不可攀蠟屐早能尋勝槩彈冠悔更落塵寰

幸依賢者爲東道大得逍遙水石間

和景仁西湖泛舟

滿船歌吹拂春灣天外晴霞水底斑誰信飛觴臨綺席  
獨能回首望青山東門車馬匆匆別西洛風煙寂寂閑  
疊石溪頭應更好却輸野叟坐林間

新買疊石溪莊再用前韻招景仁

一溪清水珮聲寒兩岸莓苔錦繡斑三徑誰來卜鄰舍  
千峯我已作家山鹿裘梨杖偏宜老紫陌紅塵不稱閑  
早挈琴書遠相就放歌爛醉白雲間

貽夸者

我樂非君樂君憂非我憂蓬蒿與溟渤終老不同遊

傳家集卷一  
八  
春遊

人物競紛華，驪駒逐鈿車。此時松與柏，不及道傍花。

和潞公遊天章楚諫議園宅

名卿新治第，上宰舊連牆。槐蔭青青葉，星鄰兩兩光。林  
花裂錦狹，門路築沙長。共引庭間水，交生壁外篁。魚窺  
薦琴石，螢散讀書牀。玉帳方懷遠，松齋欲就荒。旌幢今  
少憩，蘭蕙不徒芳。早晚平狼望，同來舉壽觴。

還張景昱景昌秀才兄弟詩卷

鞞鞞新詩卷，青春映棣華。機雲今繼美，載協舊承家。幸  
託仁人里，時回長者車。白虹光亂眼，何敢議瑜瑕。

和宇文公南塗中見寄

驄馬烏紗遊洛塵未能全得自由身深慙白首戀微祿  
不向青山爲散人斥鷃卑飛聊取適冥鴻高舉益難親  
蜀都迢遞千餘里徒誦新詩妙入神

酬張二十五秀才

景昱字明叔

南園遣意

花卉日相續朝昏興寄新露荷香入坐風竹淨無塵嘯  
詠皆羣從喧囂遠四鄰須知軒冕客富貴不關身

酬張三十秀才

景昌字子京

見贈

樸學居人後清塗忝衆先瓠因無用棄木爲不材全比  
得林泉趣仍依邑里賢自慙頭半白方解賦歸田

八月十五日夜陪留守宣徽登西樓值雨待月

久不見

傳家集卷一  
九  
經歲待佳節無如陰靄何果然時雨足安用月華多未  
見銀缸進空聞玉漏過庾公興不淺久爲駐鳴珂

秋雨新霽遊水北馬上偶成

秋色與秋聲蕭然滿洛成未霜林葉赤新雨野風清水  
氣侵肌冷嵐光刮眼明誰云景如畫但恐畫難成

運使虞部按行洛西諸縣因遊所過名山有詩  
百餘首合爲一編蒙賜寵示俾之繼作一首

屬城窮僻地攬轡徧周流弊政已更化名山不廢遊鳴  
騶留谷口輕屐歷巖幽聚看官儀者相扶半白頭

和君貺暮秋四日登石家寺閣晚泛洛舟二首  
嬉遊乘曉霽登覽犯秋寒不出埃塵外安知天壤寬宮

前斷山碧林表落霞丹欲下惜佳趣相留更倚闌

右登閣

葉下宮槐老雲飛洛浦秋復陪元禮棹却望仲宣樓曲  
岸迷頻轉遙山碎不流夷猶聊寓賞浩蕩得忘憂晨出  
露漸徑昏歸月滿舟星河散寥廓珠貝映汀洲林館回  
車入壺觴秉燭遊山公興未盡徒御且番休

右泛舟

### 又和六日四老會

萸房迎令節菊蘂入芳筵華燭初長夜清霜未冷天悲  
風咽橫吹驟雨送繁絃聊附鄒枚客敢希園綺賢

### 和王少卿

尚恭字汝之

十日與留臺國子監崇福宮

### 諸官赴王尹賞菊之會

儒衣武弁聚華軒盡是西都冷落官莫歎黃花過佳節

傳家集卷十  
且將素髮共清歡紅牙板急絃聲咽白玉舟橫酒量寬  
青眼主公情不薄一如省闈要人看

和白都官

序見贈

齒疎鬢白兩眸昏萬事無堪老病身脫粟猶霑太倉祿  
法官仍忝外臺臣直緣迂僻求閑地豈是孤高慕古人  
英俊滿朝皆稷契太山何必一飛塵

酬邵堯夫見示安樂窩中打乖吟

安樂窩中自在身猶嫌名字落紅塵醉吟終日不知老  
經史滿堂誰道貧長掩柴荆避寒暑只將花卉記冬春  
料非空處打乖客乃是清朝避世人

和邠守宋度支

迪來卜居與南園為鄰



弱冠交遊鬢髮蒼飽諳官况好深藏閑居共買一墀地  
盡老常依數仞墻雖喜卜鄰同晏子尚慙推宅異周郎  
何時稅此憑熊駕倚杖相迎立路傍

和張文裕初寒十首

何處初寒好初寒邾鄆城垂紳多俊彥列第盡公卿裘  
馬過從盛門闌灑掃清誰家擁獸炭盡日管絃聲

何處初寒好初寒洛汭宮翠華雖脈脈佳氣自蔥蔥闕  
角月華白苑墻霜葉紅都人心望幸注目不離東

何處初寒好初寒洛水橋沙痕水清淺風葉柳蕭條闕  
塞長塗直嵩邱倒影遙鳳樓雖在北車馬不塵囂

何處初寒好初寒太室山晴空煙澹泊返照雪孱顏極

目鴈  
沒無心雲自還猶餘拜表累不得坐松閒

嵩山去洛

近二百里五日僅能往  
還以妨拜表未果往

何處初寒好初寒禹鑿門遙天露崖口輕浪漱山根萬

佛龕苔老一燈林靄昏漁梁杳相望石瀨夜聲喧

何處初寒好初寒噴玉泉折冰流谷口飛溜落雲邊雀

噪聚林杪樵歌下石巔尋幽不思返坐嘯夕陽偏

何處初寒好初寒疊石溪山斜改昏曉路曲失東西拾

栗走村稚鑿垣巢乳雞我來閑擁褐曝背草簷低

何處初寒好初寒肅政臺官閑免簿領門靜少塵埃天

借風霜氣人無鷹隼猜庭荒餘老柏尚有夕鳥來

何處初寒好初寒遊奕園林間葉未盡籬底菊猶存結

竹爲菴小開爐構火温誰言處城市岑寂似邱樊

何處初寒好初寒福善居長宵對燈火滿室聚詩書暫

息登山屐休脂下澤車所安容膝地何必更多餘

遊亦福善

皆坊名

### 和君貺少林寺

達摩自云傳佛心緒言迷世到于今旣攜隻履歸西域  
安得遺靈在少林孤月正明高殿冷清風不斷老松深  
謝公自愛山泉美肯爲幽禪此訪尋

### 又和嶽祠謝雪題嶽寺

平法華菴

宴坐幾何年庭蕪與砌連焚修真諦苦功行得無圓闕  
里詩三百賴鄉文五千厭煩猶不讀何況淤泥蓮

平住菴不

出近四十年日誦  
法華經數十卷

望日示康廣宏

清晨三綠袍羅拜北堂高積善因先烈餘光及爾曹勿  
矜從事早當念起家勞修立皆由已何人可佩刀

和君貺題潞公東莊

嵩峯遠疊千重雪伊浦低臨一片天百頃平皋連別館  
兩行疎柳拂清泉國須柱石扶丕構人待樓航濟巨川  
蕭相方如左右手且於窮僻置閑田

和君貺任少師園賞梅二首

寒壓春頭草未芽喜聞置酒賞新葩官儀赫奕三川守  
野意蕭疎四皓家不用管絃妨淡泊豈容桃李競繁華

昏鷓散亂傳呼出歸路林間燭影斜  
風日雖寒晝景長探春遠訪白蓮莊岸冰猶在水先綠  
柳葉未生條已黃老木根侵苔徑窄新梅花入酒卮香  
天真不必人修飾得趣勿嫌臺館荒

又和開叔

寒梅犯雪榮大隱久專名異種生江渚何年到洛城

洛中

雖有梅開花常晚獨大隱梅最先開相傳好事者自江南移來今數十年矣

色如虛室白香

似主人清嚮使吳兒見不思菰菜羹

和公廩喜雪

用莊字韻

歸來河洛久愆陽禱祀徒勞罄肅莊林雪飛花欣暫白  
麥田濡葉未全黃城中稍覺桑薪貴村外時聞社甕香

八使孜孜憫惇獨斯民那復畏凶荒

和史誠之謝送張明叔梅臺三種梅花

別後相驚兩鬢霜可憐梅蘂為誰芳  
臺頭日暖分三色林下風清共一香  
正爛漫時遊不足忽離披去樂難常  
慇懃手折遙相贈不欲花前獨舉觴

早春寄景仁二首

辛夷花爛開故人殊未來愁看柳漸綠  
忍更折殘梅去歲

景仁約辛夷花開即來洛中芍藥謝乃去

疊石溪上春茅茨卜築新前言如不踐  
山蟬又笑人

和君貺宴張氏梅臺

京洛春何早憑高種嶺梅紛披百株密  
爛漫一朝開青

女工黏綴霜娥巧剪裁崑山雲滿谷蓬渚浪成堆勢擁  
樽前合香從席下來蜺旌虹天起練甲洗兵回不使光  
風散曾無夜色催人稠衣馥郁地狹舞徘徊民服召公  
化時推何遜才

何遜有  
早梅詩

淹留文酒樂壁上瑤臺

### 看花四絕句

洛陽相望盡名園墻外花勝墻裏看手摘青梅共按酒  
何須一一具杯盤

洛陽相識盡名流騎馬遊勝下馬遊乘興東西無不到  
但逢青眼即淹留

洛陽春日最繁華紅綠陰中十萬家誰道羣花如錦繡  
人將錦繡學羣花

南園桃李近方栽澆水未乾花已開山果野蔬隨分有  
交遊不厭但頻來

留別友生

野際共爲別客亭芳草新何心更執酒滿目盡傷春今  
古無窮路東西相背塵行行復回首不欲著鞭頻

二月六日初見待漏房前柳色微綠欣然成詠  
宮城映出絲絲綠頓覺皇州春意迴從此不辭驅瘦馬  
六街終日踏塵埃

垂柳

天意清和二月初春風不動整如梳陶潛宅外時無此  
想更蕭條不易居



閑居

故人通貴絕相過門外真堪置雀羅我已幽慵僮更懶  
雨來春草一番多

中秋陪張龍圖讌射堂初夕陰雲酒行頓解喜  
而成詠

飛蓋共徘徊西園高宴開秋雲惜明月留待庾公來

貽宋四行簡

迪

離羣知幾辰屈指十青春不意輪蹄跡共茲京洛塵文  
場投漆契客路轉蓬身別易相逢闊過從莫厭頻

和國子夏主簿

有章

李花

儒宮岑寂覺春閑仙李繁花重壓欄碎錦不飛蒙樹合

傳家集卷一  
素雲歆亞舉枝難能詩此日當推謝捧賜他年足繼桓  
更約雕盤薦秋實豈徒穠豔一朝看

司馬文正公傳家集卷第十

蘇州府學教授浦起龍校字

司馬文正公傳家集卷十一

後學桂林陳弘謀重訂

律詩六

和君貺清明與上巳日泛舟洛川十韻

繁華兩佳節邂逅同時雅俗共爲樂風光如有期  
曉煙新里巷春服滿津涯已散漢宮燭仍浮洛水  
巵占花分設席愛柳就張帷華轂爭門去輕簾夾  
路垂一川雲錦爛四座玉山歌疊鼓傳遙吹輕橈  
破直漪清談何袞袞和氣益熙熙想見周南俗當  
年播逸詩

和君貺寄河陽侍中牡丹

真宰無私嫗煦同洛花何事占全功山河勢勝  
帝王宅

寒暑氣和天地中盡日玉盤堆秀色滿城繡轂走香風  
謝公高興看春物倍憶清伊與碧嵩

又和安國寺及諸園賞牡丹

洛邑牡丹天下最西南土沃得春多一城竒品推安國  
四面名園接月波山相著書稱上藥翰林弄筆作新歌  
人閒朱粉無因學浪把菱花百徧磨

送酒與邵堯夫因戲之

前送牡丹藥苗堯夫皆有詩

林下雖無憂可消許由聞說挂空瓢請君呼取孟光飲  
共插花枝煮藥苗

酬仲通初提舉崇福宮見寄

富壽安民舊學違符移擁筆素心非青雲有路那足顧

白髮滿頭胡不歸  
永日杜門無俗客  
臨風隱几得天機  
西山爽氣秋應好  
恨不相從上翠微

酬君貺和景仁見寄

三首

嬾拙無時用  
耆朋獨我思  
乘閑同把酒  
道舊各成詩  
高義刮眼膜  
清風生鬢絲  
方將激衰俗  
賤子獨何爲

北闕黃金印  
西山白髮翁  
訐謨帝庭異  
小築洛川同  
晴

野峯峰碧霜  
林葉葉紅無  
因侍樽席惆  
悵又秋風

右上方  
宣徽

何事挂冠客  
至今留帝臺  
紅塵終可厭  
青眼不長開  
春

路半消雪寒  
枝初破梅南  
園虛客席灑  
掃望公來

右上方  
侍郎

和王安之四絕句

野軒

傳家集卷二  
黃雞白酒田閒樂藜杖葛巾林下風更若食芹仍暴背  
野懷併在一軒中

雜花亂種盤渦底小屋深居鑑燧心朝市囂聲那得到  
晨昏暑氣不能侵

藥軒

雨餘條甲繞階生往往桐君昔未名采貯不須勤暴焚  
秋陽日日滿簷楹

晚暉亭

俯臨城市厭諠譁回顧園林景更加醉立斜陽頭似雪  
往來誤認白公家

樂天西樓獨立詩云身著白衣頭似雪時時獨立小樓中路人回顧應生

怪十六年來見此翁

喜雨呈明叔

蘊隆亦太甚蒼蔚不朝隤直可憂秋廩非徒病夏畦  
民心或能徹天造固難稽黯澹雲纔族滂沱日未西  
衣襟坐來冷城闕望中迷園筍新梢活庭蕉溼葉低  
響從窗破紙行喜屐生泥昨旦煩相報憑君謝竹雞  
明叔家舊養竹雞放

之林中今蕃息頗多俗以為雨候

六月十八日夜大暑

老柳蝸蟾噪荒庭熠燿流人情正苦暑物態已驚秋  
月下濯寒水風前梳白頭如何夜半客東帶謁公侯

閑中有富貴

閑中有富貴迥與俗塵殊  
水淨齊紈展花繁蜀錦紵  
竹風寒扣玉荷雨急跳珠  
可笑公孫衍酣歌誇丈夫

寄唐州吳辨叔二兄

方城古稱險遠在豫州南  
近歲汙萊闢新民秦晉參  
當官誠近厚獲譴亦無慙  
但惜牆陰竹歸軒幾日驂

自題寫真

黃面霜鬚細瘦身從來未  
識漫相親居然不可市朝  
住骨相天生林野人

和安之久雨

秋霖逢甲子禾耳恐須生  
流俗幸無驗高田猶有成  
潤唯藜莠得爛與蕙蘭并  
早晚浮雲豁逍遙賦晚晴



和宋復古小園書事

飽食復閑眠風清雨霽天  
葉深時墜果岸曲乍藏蓮  
波面秋光淨林梢夕照鮮  
東家近亦富滿地布苔錢

復古詩首句云獨步復靜坐輒繼二章

踽踽出東軒徐徐步小園  
何須從吏卒亦不引兒孫

躡躡尋莎徑攜筇撥水源  
愁聞俗客到唯說市朝喧

一榻僅容膝身心俱寂然  
直緣知樂內亦不爲安禪

几陳編掩竹窗殘局捐尚餘  
喧噪在野鳥與林蟬

光詩首句云飽食復閑眠又成二章

錢少何須萬杯多不過三龜腸  
本易足熊掌詎宜貪散

步竹齋外高吟柳徑南  
此心無所用脫粟亦深慙

秋懷一事無暑盡晝涼初竹戶靜長閉藜牀安有餘道  
遙化胡蝶容易入華胥天上多官府神仙恐不如

右閑  
眠

和明叔九日

不奈衰鬚白羞看朝鑑明聊憑佳節酒強作少年情雨  
冷敝裘薄風高醉帽傾如何不行樂况復值秋成

閑居呈復古

閑居雖嬾放未得便無營伐木添山色穿渠擘水聲經  
霜收芋美帶雨接花成前日鄰翁至柴門掃葉迎

和明叔游白龍溪

溪深荒徑微尋勝不知疲寒月影隨馬曉風冰滿髭行  
歌被褐叟聚戲拾薪兒外野饒真趣令人懷抱夷

和景仁七十一偶成

心地長閑爲已物年華不住是天時當如海上乘槎客  
維楫都無任所之

六十寄景仁

從來好與天爭力困竭方知已力微見事晚於蘧伯玉  
今知五十九年非

去春與景仁同至河陽謁晦叔館於府之後園  
旣去晦叔名其館曰禮賢夢得作詩以紀其事  
光雖愧其名亦作詩以繼之

蓬飛匏繫十餘年並蔭華棖出偶然郭隗金臺雖見禮  
華歆龍尾豈能賢浮雲世味閑尤薄寒柏交情老更堅

明日河梁即分首人生樂事信難全

與王樂道約會超化寺比至樂道以疾先歸塗

中有詩見寄

顛毛種種齒浮搖屈指交遊漸寂寥時較半朝非是晚  
路無數里不爲遙子猷垂到復歸去安道雖知未易邀  
古寺徘徊久東望青春雲日冷蕭蕭

和王樂道再以詩見寄

諫垣簪筆接英遊今日華顛昔日憂邂逅升沈皆是命  
逍遙出處本無愁衡門不羨金門貴藿食焉知肉食謀  
溟海榆枋各安分蓬萊未必勝嵩邱

晚春病起呈擇之治臣

風日正和柔身輕喜病瘳嬾拋殘蠹簡暖脫敝貂裘值  
客開青眼逢花忘白頭家家好春色何處可同遊

次韻和宋復古春日五絕句

雪霜衰鬢拔還生桃李新園長未成五十尚能勝六十  
今年又減去年情

車如流水馬如龍花市相逢咽不通獨閉柴荆老春色  
任他陌上暮塵紅

東城絲網蹴紅毬北里瓊樓唱石州堪笑迂儒竹齋裏  
眼昏逼紙看蠅頭  
家藏歌吹只西隣吹落梅花歌落塵百葉桃開深院裏  
輸他白髮有情人

驚拂人衣絮撲頭紅英滿地綠陰稠殘春舉目多愁思  
休上迢迢百尺樓

酬宋叔達道復古之兄卜居洛城見寄

離羣四十一春風縱有相逢似夢中幸得相逢作隣舍

但嗟彼此是衰翁漢文前席人將去復古謫官不日牽復庾信誅

茅橐未克來詩云自笑顛狂便歸去並無穿繫買山錢悵望金隄碧蕪闊杖

藜攜手幾時同

和王安之題獨樂園

草濃初過雨林靜遠含煙鷺引新飛穀荷承半墜蓮朋

來惟有月山見不須錢誰與同其樂壺中濁酒賢

和吳辨叔知鳳翔見寄

岐陽府舍始相逢四十餘春屈指中昔日布衣今露冕  
當時小吏亦衰翁醉吟久作藏身計條教應多及物功  
惟是綵衣難再著長林極目起悲風

和王安之今春於鄭國相公及光處得綴珠蓮  
各一本植之盆中仲夏始見一花喜而成詠末  
句云未知先合謝誰家

春凍消時種兩芽南風薰日見孤花先開必自陶鈞力  
且合歸功丞相家

君貺環溪

地勝風埃外門深花竹閒波光冷於玉溪勢曲如環滎  
路回翔厭華軒嘯詠閑堪羞謝太傅不復到東山

傳家集卷二  
七  
瞑目

瞑目思千古飄然一烘塵山川宛如舊多少未來人

獨樂園二首

獨樂園中客朝朝常閉門端居無一事今日又黃昏  
客到暫冠帶客歸還上關朱門客如市豈得似林閒

放鸚鵡二首

野性思歸久籠樊今始開雖知主恩厚何日肯重來  
雖道長安樂爭如在隴頭林閒祝聖主萬歲復千秋

呈樂道

歡遊俛仰皆陳迹薄宦須臾即色空試憶昔年雙桂會  
只如前日夢魂中



和劉伯壽陪潞公禊飲

旌幢車騎滿沙頭  
鼓吹喧繁畫鷁浮  
十里羅紈光照地  
千家簾幕遠臨流  
觴隨洛水周公事  
月映鳳樓裴相遊  
令典久隳今更舉行  
聞美俗徧中州

南園雨霽景物粗佳懷楚正叔王安之

洛陽秋雨闕荒圃  
物華饒白鶴寒尤盛  
紅薇晚未彫  
鳥驚朱實墮雲滅  
翠岑遙揚子方嘲  
白相如尚苦瘠  
安之有疾  
徘徊瞻望近邂逅  
笑談遼官冷慙無具  
相思不敢招

和潞公與張昌言楚正叔遊獨樂園徘徊久之

主人不至

茂勲成亮采勝賞寄風流  
閑引翹材客同為獨樂遊  
厭

居華宇盛翻愛敞廬幽愧不先操篲迎塵立道周

潞公遊龍門光以室家病不獲參陪獻詩十六

韻

旄節擁憑熊逶迤向鑿龍順成時過蜡閉塞令行冬雪  
壟痕猶溼梅林思已濃傳呼空谷應前導白雲逢飛蓋  
多邀客停車數問農禹功雙壁斷佛劫萬龕重絕頂標  
孤刹疎林透遠鍾氣蒸泉郁郁冰綻水溶溶藥閣低臨

渚茅庵背倚峯凍醪資野酌寒筍佐晨饗

公作藥寮潞公庵臨伊庵

皆在龍門

碁局移依石茶爐坐蔭松醉醒皆衆共小大盡公

從顧以私恩累難追勝賞蹤原思初不病叔夜亦非慵  
稽古慙經笥摛華怯筆鋒會須參後乘異日待從容

初夏獨遊南園二首

取醉非無酒忘憂亦有花  
斲來疑是客歸去不成家  
桃李都無日梧桐半死身  
那堪衰病意更作獨遊人

和景仁荅李才元寄示花圖

高士閑居舊名花獨步  
今移從洛浦遠濯自錦江  
深傳得巫山貌非因延壽  
金不須天女散已解動禪心

近歲舉世

談禪獨景仁未耳今亦有空相之句故卒章戲之

或謂光嗤景仁談禪而自談又因用前韻為景

仁解禪

賤子誤已久景仁迷自今良因拯溺急是致涉波深到岸何須棹揮鉏不見金浮雲任來往明月在天心

題傳燈錄後

呬著聲聞酒便狂他州浪走不歸鄉誰曾縛汝安用解  
彼自無劊勿誤傷探月拾針傳妄語安居暇食賴先王  
但令時世如三代達麼從他面向牆

奉和大夫同年張兄

微字伯常

會南園詩

露濃秋過半氣爽雨收餘取酒邀嘉客呼兒掃敝廬生  
涯數畝地官業一軒書竹結垂綸屋泉分入座渠愜心  
皆樂事容膝即安居梁靜栖無驚波澄戲有魚茂林穿  
繚繞微徑步虛徐果落方知熟莎長不忍除過從常苦  
遠接待每慙疎不厭茅茨陋時迂長者車

荅張伯常之郢州塗中見寄

適意遺軒冕輕於鴻一毛扁舟千里遠佳句百篇豪酒  
飲宜城美歌聞白雪高家林已春色慎勿滯江臯

獨樂園新春

春風與汝不相關何事潛來入我園曲沼揉藍通底綠  
新梅翦綵壓枝繁短莎乍見殊堪喜鳴鳥初聞未覺喧  
憑仗東君徐按轡旋添花卉伴芳樽

和潞公真率會詩

洛下衣冠愛惜春相從小飲任天真隨家所有自可樂  
爲具更微誰笑貧不待珍羞方下筯只將佳景便娛賓  
庾公此興知非淺藜藿終難繼主人

景仁書云去冬困酒病耳病牙遂不入洛以詩

寄呈

許昌攜手盡時英，况復新開甲第成。  
醉裏都將春作達，老來不向酒藏情。  
齒疎無廢銜盃趣，耳病猶分度曲聲。  
舊友昔遊渾忘却，可憐寂寂洛陽城。

又云新鑄黼斛與今太府寺尺及權衡若合符  
契復次前韻

裁筩累黍久研精，况復新修黼斛成。  
豈校忽微爭口語，本期淳古變人情。  
既言樂律符今尺，但恐簫韶似鄭聲。  
若欲世人俱信服，鳳凰再集穎川城。

王安石以詩二絕見招作真率會光以無從者  
不及赴依韻和呈

真率由來無次第

來詩云真率會名今第幾

經旬踰月不為稀藍輿

但恨無人舉

今日軍士皆請糧不獲趨赴

坐想紛紛醉落暉

來詩云數酌仍

須就晚暉

杯盤豐腴勝陶令園沼繁華減白家惆悵佳辰掩蓬華

不陪高會賞隣花

來示云下瞰隣花

用安之韻招君從安之正叔不疑南園為真率

### 會二首

榆錢凌亂柳花飛枝上紅英漸漸稀莫厭銜杯不虛日

須知共力惜春暉

真率春來頻宴聚不過東里即西家小園容易邀嘉客

饌具雖無亦有花

二十六日作真率會伯康與君從七十八歲安  
之七十七歲正叔七十四歲不疑七十三歲叔  
達七十歲光六十五歲合五百一十五歲口號  
成詩用安之前韻

七人五百有餘歲同醉花前今古稀走馬鬪雞非我事

紵衣絲髮且相暉

樂天九老詩云七  
人五百七十歲

經春無事連翩醉彼此往來能幾家切莫辭斟十分酒  
儘從他笑滿頭花

別用韻

坐中七叟推年紀比較前人少幾多花似錦紅頭雪白  
不遊不飲欲如何



其夕宿獨樂園詰朝將歸賦詩

平曉何人汲井華  
轆轤聲發散春鷄  
開園更有四五日  
映葉尚餘三兩花  
宿病岑岑猶帶酒  
無眠耿耿不禁茶  
自嫌行樂妨年少  
遽索籃輿且向家

邀子駿堯夫賞西街諸花

今年節物非常晚  
春盡西街花尚多  
試問二三真率友  
小車籃舁肯重過

呈張子賤朝散

名于新自安  
邑徙居洛

近時洛社名真率  
簞食壺漿取次遊  
試問西來老朝散  
可能同志便相收

和邵興宗秋夜學舍宿直

傳家集卷十一  
直舍逍遙度清夜  
慙投逢掖解儒冠  
高樓影背星河轉  
疎竹氣兼風露寒  
籬下黃花新藥亂  
門邊碧柳舊株殘  
折腰把板今無有  
勿似陶潛遂棄官

和吳冲卿病中偶書呈諸同舍光時亦臥疾

病來門不掃  
秋草翳吾廬  
棄置賢人酒  
蕭條長者車  
冥迷牀鬪蟻  
潤溽篋生魚  
藥物從無繼  
簞瓢自有餘  
形神寂可弔  
身世邈相疎  
何事文園客  
消中亦著書

月下小飲

美景賞心相值難  
良宵四座盡儒冠  
月華過冷衣襟潤  
酒力易消樽俎寒  
自有笑談供逸氣  
不須絲竹借餘歡  
坊樓五鼓欲催曙  
桂影長先高興闌

舉首孤輪不似遙尊前狂氣出雲霄嫦娥不惜借丹桂  
欲就高枝挂酒瓢

馬病

羸病何其久仁心到棧頻須憐首藉歉當認主人貧客  
舍同蕭索山程共苦辛未能逢伯樂且可自相親

慶曆七年祀南郊禮畢賀赦

雷鼓千通破大幽天開獄鑰縱纍囚驛書散出先飛鳥  
一日恩流四百州

送張太博肅知岳州

巖風秀木折為薪得罪由來為出羣粥粥黃雞憎鶴介  
芄芄青蔓掩蘭薰天資讒嫉多端巧人極精明不易分

飲水豈言吳刺史謗書翻似馬將軍波濤洶湧動寒野  
樓閣崔嵬壓暮雲紅葉寺深秋暖見蒼山鐘迥夜清聞  
何妨絕境聊爲正恐中朝亟用君身外百愁俱擲置  
放歌沈飲且醺醺

和之美河西列岫亭

秋山對疎牖羈客倦登臨雨後嵐光活晴初落照深素  
波明別浦赤葉照衰林佇目寂無語何人知此心  
亭臯資遠矚秋思浩無涯鴈唳牽菱蔓童歌出荻花壟  
荒猶叱犢枝暗稍栖鴟煙靄藏東渚憑軒莫望家

書事

志士喜功業感時心易勞蘖栽終枯柏荒蔓任蓬蒿梁

竦慵爲吏蕭咸恥詣曹風霜果不變會見出雲高

釣魚有感二首

垂竿臨晚岸堅坐據莓苔餌落萍初散魚驚荷暫開有  
求雖瑣細未獲且低回君識磻磻老曾垂綠髮來  
野釣披榛竹無人知往來高空飛不下鷗鳥已相猜

憶龐之道

疇昔兩垂髻知音結久要何言半塗別不待歲寒彫幸  
有才名在非隨氣運消英靈猶髣髴宿草已蕭蕭

興宗約遊會靈久不聞問以詩趣之

勝地何妨行樂頻萬雙白壁不餘春臘醅已老久未壓  
楊柳青青不待人

傳家集卷十一  
清明與興宗飲趙道士東軒

佳遊得令辰過此不爲春  
一境風光秀萬家煙火新  
鷺初飛玉殿草不染香輪  
逼水蒲牙短圍隄柳帶勻  
縱談高出古落筆健生神  
日暮還醒去林花應笑人

上巳日與太學諸同舍飲王都尉園

冠蓋鬱相依名園花木稀  
游絲縈復展狂絮墮還飛  
積絮遺風陋蘭亭舊俗微  
何如詠沂水春服舞雩歸

寄題洪州慈濟師西軒

登臨傳勝絕悵息未成遊  
山氣高凌霽湖光碧照秋  
煙疎茶竈迥燈冷竹房幽  
安得聊憑檻蕭然洗客愁

司馬文正公傳家集卷十一

蘇州府學教授浦起龍校字

后周文正公軒家集卷十一

蘇州府學教授部疏論狀



司馬文正公傳家集卷第十二

後學桂林陳弘謀重訂

律詩七

會不疑家席上紀實

召客客俱來賞花花正開寒暄方得所風雨不相催  
席上柳飛雪門前車隱雷主人意仍厚安得不徘徊

三月三十日微雨偶成詩二十四韻書懷獻留  
守開府太尉兼呈真率諸公

春盡少歡意昏昏睡思添正憂花意索更用雨聲兼  
乍語鶯喉澀慵飛柳絮黏落英紅沒砌茂草碧侵簾  
寶相錦鋪架醅醪雪擁簷沼萍浮鈿靨林筍露犀尖  
坐惜光

風駛行愁畏日炎追隨任塵甑歌笑望霜髯落筆詩情  
放飛觥酒令嚴金丹呼勝彩玉燭擢新籤傲岸冠巾側  
淋浪襟袖霑飢仍留瘦馬歸必待清蟾筋力雖無幾娛  
遊亦未厭脫身離簿領適性得閭閻多病非辭貴無才  
豈養恬清塗誠愧忝微祿已傷廉日費須三爵年支仰  
數縑糗糧粗可足著蔡不煩占河洛今爲盛圖書昔所  
潛家家花啓戶處處酒飄帘溫飽資兼愛安平倚具瞻  
愚夫猶樂育下客愈撝謙落拓形骸逸優遊歲月淹餘  
生信多幸狂醉亦無嫌

其日雨中聞姚黃開戲成詩二章呈子駿堯夫

穀雨後來花更濃

洛人謂穀雨爲牡丹厄  
今年穀雨後名花始開

前時已見玉

玲瓏前時與堯夫遊西街得新出白千葉客來更說姚

黃發只在街西相第東園夫張八家在富相宅東

小雨留春春未歸好花雖有恐行稀勸君披取魚蓑去

走看姚黃判濕衣

### 立夏呈安之

留春春不住昨夜的自然歸歡趣何妨少閑遊勿怪稀林

鶯欣有託前日始叢蝶悵無依窻下忘懷客高眠正掩

扉陶潛嘗言夏月虛閑高卧北窻下清風颯至自謂羲皇上人

### 和子駿洛中書事

西都自古繁華地冠蓋優遊萃五方比戶清風人種竹

滿川濃綠土宜桑鑿龍山斷開天闕導洛波回載羽觴

况有耆英詩酒樂問君何處不如唐

安之令子河陽官舍作蛙樂軒安之有詩寄題

輒敢繼和

鼓吹娛俗耳蛙鳴愜雅懷最宜涼雨歇更與晚風偕  
驥子方長鶩雲衢偶未諧功名當努力留此遺吾儕

和安之喜雨

吁嗟方請雨潤溥果如占黍稷固有望來麩亦未嫌聲  
繁清倦枕氣冷入疎簾蔓喜龍頭舉泉驚虎爪添田疇  
誠最急花藥不妨兼詩伯才盈斛聊應費筆尖

逍遙四章呈欽之堯夫

結髮讀經史疲精非一朝於今成濩落所幸得逍遙不

躩狂心息難平客氣消巢林易爲足竊敢比鷦鷯  
閑思宇宙內何物不由天定分不移易勞心徒弃捐鵬  
飛九萬里松壽一千年斥鷃與朝菌逍遙亦自然  
閉目念前古飄然一烘塵兩儀仍似舊萬物互爭新軒  
冕榮何在簞瓢樂最真衆人俱我笑我亦笑其人  
六合曠無際逍遙好縱遊放懷同一貫瞬目即千秋丸  
遇區臾止萍隨波浪流所之皆自得何懼亦何憂

送稻醴與子才

昔賢尊道誼置醴待嘉賓今我樂閑放提壺餉故人螳  
浮杯面白味撇甕頭醇何以助高興籬邊菊蕊新

感物

朝看新鷺飛暮聽子規啼尺蠖身藏葉神龜尾曳泥  
鷹何用掣櫪馬不當嘶自伐憎狙巧頽然愛木雞

酬安之謝光兄弟見過

平時一二日不見已相思况復閉關久杳無攜手期  
清談勝妙藥高韻敵涼颺愧乏機雲美虛承青眼知

酬王安之聞罷真率會

閉關寧是率辭疾似非真既處譏嘲地誰爲長厚人  
虛舟非有意飄瓦不須嗔此過如何贖清秋宴席陳

安之詩有

解嘲意故以此戲之資一笑

和潞公伏日讌府園示坐客

盛陽金氣伏華宇玉樽開真率除煩禮耆英集上才炎

蒸疑遠避流景忘西頰幸忝俊遊並仍慙右席陪蒲葵  
參執扇冰果侑傳杯相國方留客如何務早回

和子駿新荷

嬾不窺園久元非效仲舒新荷滿沼密籃舁出門疎借  
問含煙晚能勝裊露初愧無魚戲句弄翰白紛如

和子華遊君貺園

甲第朱門久不開春風潛入發江梅今朝丞相雙車轍  
碾破林間水畔苔

小桃似喜相君來爭發新花繼落梅更仗環溪醒殘酒  
沒篙春水綠於苔

太尉公引水繞園可  
以泛舟名曰環溪

又和上元日遊南園賞梅花

梅簇荒臺自可羞相君愛賞忘宵遊未言美實調羹味  
且薦清香泛酒甌

又和遊趙中令園

中令園陪丞相遊百分勸酒不須愁春風陌上醒歸去  
只恐更爲桃李羞

又和遊吳氏園二首

天氣清和無喘牛花林爛漫竹林幽臨風高詠足爲樂  
有勇知方笑仲由

名園易主似行郵美竹高松景自幽誰悟本來天地物  
長爲已有固無由

和子駿約遊一二園亭看花遇雨而止



行樂及佳時官閑無所羈只知花正發不共雨爲期淺  
草碧無際濃雲冷四垂陪遊興未盡安得不相思

來詩云人

尋載酒地雨破看花期又云感公行樂處蚤莫得相思

又即事二章上呈

雨不成遊半路歸逢花值柳依依朝來頓飲三杯酒  
醉卧西齋晝掩扉

覺後追思氣味長歡情愁緒兩俱忘近來方得醉中趣  
熟寐沈沈是醉鄉

明日雨止復招子駿堯夫遊南園

昨朝洛北阻遊陪惆悵中橋半醉回潑火旣經寒食雨  
解醒須撥凍醪醅遙思花寨交橫錦未分春心斗頓灰

傳家集卷三  
五  
更與二三頭白友試攜薄具上高臺

戲呈堯夫

近來朝野客無坐不談禪顧我何爲者逢人獨慙然羨  
君詩旣好說佛衆誰先只恐前身是東都白樂天

聞正叔與客過趙園歡飲戲成小詩

吾廬寂寞類荒村但有林閒鳥雀喧不似楚家多樂事  
笙歌拾得醉鄰園

和子華應天院行香歸過洛川

印節傳呼洛北還府庭無訟不妨閑度橋寒色侵春服  
按轡晴光露曉山香穗徘徊凝廣殿花籃繫會滿通闌  
自知白雪高難和忍愧誰能寄我顏

寒食遊南園獨飲

寒食良辰無賞心  
雜花爛漫柳成陰  
若非獨酌酬佳景  
一日風光直萬金

次前韻二首

頭白惜春情更深  
花閒獨醉競分陰  
泉聲醒耳自可樂  
不用歌拋滿袖金

南園莫笑獨追尋  
明日未知晴與陰  
揮手一朝辭逆旅  
滿堂安用累千金

觀孫兒戲感懷

我昔垂髫今白頭  
中間萬事水東流  
此心爭得還如是  
戲走階前不識愁

陪子華燕醮廳酒半過趙中令園

簪裾丞相閣林沼令君家煙曲香尋篆杯深酒過花霏  
微燼沈水馥郁漬棋粗愧乏相如賦陪遊託後車

和秉國寄子駿堯夫二留臺

一臺二妙日追遊琥珀香醪白玉甌相下不厭賢者意  
尚言執友欠龍頭

和伯常自郢州見寄

西郊去歲揖行人柳暗花濃又一春坐想高風清入骨  
沉吟佳句健生神潺潺沓靄煙波右

來書云郢西雨  
多潺湲沓靄

散

誕逍遙興趣新應笑洛陽車馬道緇衣未免化紅塵

和潞公行及白馬寺得留守相公書云名園例

惜好花以俟同賞詩二章

雲漢成章湛露晞都門宴餞羽觴飛謝安不復東山去  
爭似阿衡得謝歸

相國東郊迓帝師油幢交映碧參差都人共喜安輿到  
正是餘花可惜時

和子華喜潞公入覲歸置酒遊諸園賞牡丹

介圭成禮下中天春物雖闌色尚妍園吏望塵皆闢戶  
肩輿回步即開筵波濤凌亂鞞旁錦風雨縱橫撥底絃  
洛邑衣冠陪後乘尋花載酒願年年

陪致政開府太師留守相公致政內翰燕集輒  
歌盛美爲三公壽皆用公字爲韻

獨佐成康世高年有畢公神心降維嶽龜兆告非熊黃

閣遵成範太常書茂功歸來保眉壽恩禮享優隆右太師

東閣延髦士西都守別宮不忘如衛武難老似僖公位

貌今雖遠官僚舊忝同開懷盡卮酒足以厚時風右相公

眉似高僧秀顏如童子紅忠純汲長孺高潔夏黃公矯

矯遼東鶴冥冥塞北鴻自誇新酒量想像百分空右內翰

景仁將歸穎昌輒為詩二十韻紀贈

秀發西南美挺生河岳靈雕龍蔚文采老鶴瑩儀形落

筆高時儁飛綏侍帝庭英聲軼雲漢遠勢擊滄溟苦節

專憂國嘉謀每據經溫雖比圭璧直不避雷霆道勝軒

裳薄神和氣體寧忠誠懷畎畝樂事寄林坳藻鑑評隨

月過從德應星苦吟金出礦確論木銜釘賤子叨流輩  
高風仰典刑巨川容滴水餘景借流螢久別眉俱白重  
來眼更青淹留弦與晦遊集醉還醒有酒須相就無歌  
不共聽竒花喧夕市疊鼓咽春亭揚袂行辭洛回車去  
望陘許西北有陘山見來書往還天表鴈離合浪閒萍異日期同  
傳景仁嘗言佗日與光若得在國史必同傳窮泉約互銘光與景仁約後死者當為先死者作  
墓銘古今難得事交分保頽齡

復用三公燕集韻酬子駿堯夫

官閑虛室白粟飽太倉紅朝夕掃三徑往來從二公兼  
葭徒倚玉燕雀豈知鴻相過輒同醉惟愁尊酒空

和吳朝議執中字同年謝光與景仁同年見過

結綬東堂同發策白頭相值益相親却思景祐無多日  
共見元豐有幾人天下高名歸廣受二公皆致仕古來交道

重雷陳謝公身老才方壯落筆成章字字新

伏蒙留守相公賜示陪太師潞公東田宴集詩

輒敢屬和

舞雩新雨浹公田水滿東溪上下天行徑乍迂初見筍  
浮舟正好未生蓮絃收裂帛胡琴闕袖結清風楚舞妍  
相國火城光滿路夜歸不假玉蟾圓

和潞公招堯夫不至

東閣樽罍招共飲後房羅綺約同觀既無薊子分身術  
須欠車公一座歡



和子華招潞公暑飲

朱門近在府園東，杖屨過從跬步中。  
避暑連翩投轄宴，析醒蕭灑滿襟風。  
閑來高韻渾如鶴，醉裏朱顏却變童。  
翦燭添香歡未極，但驚銅漏太怱怱。

再和伯常見寄

誅茅宋玉宅邊人，知醉宜城幾甕春。  
細雨短蓑漁向市，孤村極浦鼓迎神。  
徧遊七澤身忘倦，更賦千篇意轉新。  
不必滄浪羨清泚，羣來纓上已無塵。

再和秉國約遊石淙

上國分攜十五秋，未嘗偶坐捧茶甌。  
石淙今會須如約，彼此霜毛各滿頭。

席君從於洛城種金橘今秋始結六實以其四  
獻開府太師招三客以賞之留守相公時賦詩  
以紀其事光竊不自揆輒依高韻繼成五章

宜春果結洛陽枝

太師云此果本出袁州

正遇耆明會客時更引

輕舟倚蘆岸香秔鮮鱠雅相宜

圓小香黃珠顆垂結成洛邑重霜時相公和氣陶羣物  
不是寒溫變土宜

君從好事不知疲種子成株凡幾時摘獻帝師三取二  
自嘗兩顆且隨宜

物不須多且賞竒禦寒想見結庵時江南江北徒虛語  
盡信前書是不宜

敝居橘亦自南移愛護栽培費歲時前此實成酸苦甚  
應由與德不相宜

和留守相公九月八日與潞公宴趙令園有懷  
去年與景仁秉國遊賞

今歲台星聚洛中甘棠前後雨陰濃英辭唱和詩千首  
高宴遊陪祿萬鍾木末霜繁花未落雲閒字小鴈相從  
西湖在望親朋遠節物那堪處處逢

和留守相公寄酒與景仁

想對白衣初滿傾執杯未飲已詩成懷賢孤坐悄無語  
不是朝來困宿醒

和秉國芙蓉五章

傳家集卷三  
清曉霜華漫自濃獨憑愛日養殘紅勸君秉燭須勤賞  
閭闔難禁一夜風

北方稀見誠奇物筆界輕絲指捻紅楚蜀可憐人不賞  
墻根屋角數無窮

平昔低頭避桃李英華今發歲云秋盛時已過渾如我  
醉舞狂歌插滿頭

後時獨立誠難事猶賴階庭有菊叢綽約霜前弄姿態  
非如羣木萬林紅

但見涉江求水際豈知勝木采霜中微紅未肯全衰歇  
正似醜顏鶴髮翁

和堯夫見寄

志趣苦難合，俛俛何所依。  
逢君始相照，知我信爲稀。  
忽報除書下，徒瞻征蓋飛。  
相思千里遠，洛浦又春歸。  
仁政如慈父，蒲人得所依。  
教條前後接，風迹古今稀。  
試郡纔書最，還朝必奮飛。  
西臺舊班列，猶望繡衣歸。

華嚴真師以詩見貺聊成二章紀其趣尚

知足隨緣處處安，一身溫飽不爲難。  
禪房窄小纔容榻，此外從佗世界寬。  
素髮青眸七十餘，未嘗遊學只安居。  
旁無几杖身輕健，應爲心閑得自如。

和子華過王帥家見梅花盛開呈君實子駿兼  
簡堯夫

傳家集卷十二  
去年與客盡清歡今日重來立馬看猶足攜觴同醉在  
只愁風雨橫相干

和張伯常賀遷資政

不駕使車開漢關相如不棲巖穴鍊金丹子微豈無開徑三

人友分著垂綏五寸冠情遊之士坐飽太倉猶自愧謬躋祕

殿益難安願同野老嬉堯壤長守先生苜蓿盤

又書一絕戲呈

伯常遠自郢中回喜與愁心相繼來幸得蒹葭依玉樹  
慙將瓦礫報瓊瑰

又和南園真率會見贈

白頭難入少年場林下相招莫笑狂綠篠影侵碁局暗

黃梅花漬酒卮香任真自愧殺羞薄假寐初便枕簟涼  
疇應詩豪困牽率從來嬾放似嵇康

春日思景仁

去歲洛城中嬉遊處處同從離嶢嶺北常夢溟泉東草  
遶春街碧花繁夕市紅臨風默惆悵想像白眉翁

效趙學士體成口號十章獻開府太師

都人共喜太師回比戶爭迎不得催正值土樓灘水淺  
大家出手挽船來

東郊車馬走紅塵城外多於城裏人誰信今朝還政後  
過如前歲下車新

歸來甫可及春殘丞相頻邀賞牡丹遠處名園多不到

尊前日獻百餘盤

洛陽風俗重繁華  
荷擔樵夫亦戴花  
貪看二公同宴會  
遊人昏黑忘還家

公廚敕許釀芳樽  
屢喚賓朋醉後園  
謔浪略無名位閒  
誰人知道太師尊

過春稀復到諸園  
厭苦終朝鼓吹喧  
招得老僧江外至  
啜茶揮麈話松軒

東田小籍選新聲  
歌吹胡琴色色精  
客少有時全不用  
天然水竹湛餘清

首夏清和新雨晴  
綠莎細軟不妨行  
園夫遮道白何事  
梔子花開斑筍生



矮帽長條紫縠衫朱門深靜似重巖莫言永日渾無事  
種藥移花一一監

八十聰明強健身况從壯歲秉鴻鈞功名富貴古亦有  
無事歸來能幾人

自嘲

盤飧羅新蔬充腹不求餘窮巷書扃戶閑軒卧讀書有  
心齊塞馬無意羨川魚世道方邀逐如君術已疎

虞部劉員外

宗孟

約遊金明光以賤事失期劉

惠詩見嘲以詩四首謝之

絲管嘈嘈耳不分綺羅雜沓自成春不唯漢帝昆明小  
更覺唐家曲水貧

傳家集卷三  
絳闕朝歸散玉珂不遊不飲奈春何  
皇仁聽使歡娛極  
白簡從君冷峭多

碧柳紅桃照眼春綺肴芳醴集朝紳  
自嫌林野疎頑迹  
難預風流席上賓

上苑花繁高覆墻曲隄風暖柳絲長  
爐邊應有步兵尉  
甕下難尋吏部郎

孫器之奉使淮浙至江爲書見寄以詩謝之

五首

羈矢迎山驛輶車下帝臺  
夜看牛斗分應有使星來

曉棹旌旗迥暮河鉦鼓喧  
商船極目避漢使一何尊

吳釀木蘭春

蘇州有木蘭堂酒

江鱸白錦鱗玉盤聊下筯  
初識

紫絲蓴

岫貼晴天闊舟緣石岸深

吳江中石岸長數里

遙知作書處纜裊

綠波心

沙激鶴爭飛波光可染衣松江異淇水信美不如歸

器之

家衛州

司馬文正公傳家集卷第十二

蘇州府學教授浦起龍按字

蘇州孤學於世能致請效字

防說文五公軒家集卷十二

妙增難年深效天百樂木沐以異其水計美不吹

然效以

如說部天關良難石岸深  
吳中石 遂吹抄書與

司馬文正公傳家集卷第十三

後學桂林陳弘謀重訂

律詩八

送導江李主簿君俞

學海無涯富辭鋒一戰勲聲華掩終賈賦頌繼淵雲五  
斗爲邊吏千倉飽戍軍明恩美尤異優秩賞能勤黃祖  
陰懷怒張湯巧用文折雖因木秀燒不變蘭薰迹有窮  
通異心無得喪分龍蛇寧久蟄玉石豈俱焚蜀國花饒  
思臨卬酒易醺西風時有意尺紙慰離羣

送峽州陳

廉祕丞三首

宜都賢太守治迹古人齊虎負衆子去鳳環羣鳥棲行

增潁川秩別降武都泥正恐還朝速春林未子規  
郡府猿聲外旌旗鳥道邊樓高出楚塞煙霽識巴船襦  
袴嗟來暮簪紳惜外遷皇仁矜遠俗非謂意踈賢

地險三巴口江流百折蟠駟珂通峽響門戟照秋寒翠  
壁虎牙石素花狼尾灘孫劉置柵處細爲寫圖看

送聶之美攝尉韋城

徒勞已足倦漂泊益棲遑短劔無三尺征衣共一囊折  
腰從事馬贊謁使君堂併日屢承檄無時不裹糧官曹  
大兒戲弓槊小軍行破柱翻偷窟傾林索盜賊村墟旅  
顏黑風日故衫黃暝宿投煙舍朝餐蔭道桑唯憂課書  
殿豈慕薦飛章志氣空磅礴才華浪激昂鐫鑱圭始瑩

磨拂鑑尤光衣褐仍纏袴無羞俗吏裝  
乘輪理風高

送吳辨叔大名司戶二首

元宰司宮鑰旌旄壓大河敢言趨府倦私歎折腰多機  
發何妨避光塵未免和艱難方遠到慶閱肯蹉跎  
致遠必自近如君豈掾曹魚龍試春浪松栝露秋毫錯  
落辭華富磴砢氣節高垂天起膚寸無歎走塵勞

送楊太祝忱知長洲縣

三吳佳縣首民物舊熙熙專用清談治非如俗吏爲林  
踈丹橘迴稻熟白芒敬宜使民無忘嚴修太伯祠

送韓太祝纘知錢塘

冠佩鬱相映由來積德家一時推儁異四海走聲華圖

傳家集卷三  
籍添舟重江山忘路賒夷塗指霄漢跼驥不須嗟

送趙書記衆之官華州

車馬西城外遥遥未有塵辭梁猶帶雪過洛漸生春幕  
府斜依嶽關山曲抱秦曩來謨畫拙不必笑前人

送華亭沈主簿

執袂青門道蕭蕭馬欲東暮雲零落翠遠樹淺深紅楚  
澤吟聲裏吳山醉眼中相思杳何許野鶴唳高風

送鄭推官戲赴邠州三首

形便邠公國旌旗擁將壇秦雲低落日塞樹怯春寒草  
檄無留思投壺不廢歡還應笑黃卷寂寂守儒官

百榼行春樂千弓從獵豪苦吟邊月冷飛鏑野風高寄



策鞭殊俗長纓繫不毛  
輸君躍馬貴一等著青袍  
驕虜已歸計聖朝方寢兵  
時聞候火入非復塞塵驚  
秋嶺無南牧春田恣北耕  
休窮西海路辛苦學甘英

送何萬下第歸蜀二首

十上終無就才高定復論  
清時守儒術白首在邱園  
遠樹隱殘日孤煙生暮村  
揚鞭萬里去幾許不銷魂  
失意流年老殘春對夕陽  
可堪臨遠道更復舉離觴  
花柳已蕭索雲山復渺茫  
西風如有意音信勿相忘

送王殿丞

景陽

知眉山縣二首

先公與祕閣府君相繼爲利州

路轉運使予與眉山同年登第

疇昔侍嚴親俱爲綵服人  
遊蘭已多益得桂復同春風

樹悲歡異萍波聚散頻  
峽中盡遺事何處不霑巾  
君行杳何許萬里蜀雲西  
野色春期近林煙曉意迷  
天藏巴峽小星逼劔關低  
莫使鄉愁亂咬咬信子規

送朱校理

宋字廉叔知濰州

東國連年水傷稼使君到部即行春  
茫茫四野潢汙竭鬱鬱萬行桑柘新  
俗不好奢田器貴獄無留繫吏家貧  
齊人勿怨歸朝速自是承明侍從臣

送孟著作

翱字仲習知濟陰

聖主焦勞意誰云百里輕東州比災害  
劇令選精明水去良田闊人歸旅穀生  
閭閻還舊觀雞犬變新聲盜散疲民活  
姦窮老吏驚政成知不日雙耳爲君傾

送馮狀元京歸鄂州

夙昔負竒節琅然爲衆殊  
下韝連得雋出手盡成盧  
喜氣兼鄰曲榮名溢道塗  
風雲俱動色非復舊江湖

送吳耿先生

先生通六經大義客關中今還建陽北山

儒服若煙海幾人潛聖心  
難才誠自昔賤學况于今  
夫子獨神解明時何陸沈  
大羹無和味至樂寡知音  
礚礚貂裘敝飄蕭鶴髮侵  
遊秦不得意思越動長吟  
甌米難求玉經囊益少金  
拂衣謝賓友縱棹指雲岑  
積葉迷幽徑荒藤絡舊林  
澗猿驚重至野老喜相尋  
山色猶當戶絃聲不變琴  
人生貴適意何必慕華簪

送高陟歸金陵

三舉不登科以好學孝弟聞於鄉里

之子秣陵去悠悠天塹東帆開曉風疾潮落夜江空在  
昔才華盛至今人物豐山川氣雖盡龍虎勢猶雄卞玉  
已三獻齊禽會一冲當令關下吏洗目認終童

送僧聰歸蜀

翠柏老精舍紅塵倦帝城千山一錫遠萬里片雲輕江  
棧紆還直天星縱復橫聽猿應更喜還是故鄉聲

送史館任祠部

顯

河東轉運使

問望簪紳舊恩華雨露重圖書周內史汾澮晉全封秀  
發千尋壁寒生百鍊鋒歸時門有戟惜別更從容

送冲卿通判河中府

校理吳充

聞道名都行有期依然想見昔遊時寒光一曲秋河轉

翠嶺三條夕照移孤竹舊風民有讓重華餘教俗無疵  
不須到日方登歷已在君家十二詩

送史館唐祠部

詢字彦猷

江南西路轉運使

豪傑爭唐鹿江南號富強明時雖混一餘俗尚彫傷稅  
版誅求急詞曹牒訴忙皇心愍頽弊使節付才良貪吏  
先投紱姦民盡越鄉閭閭無插筆田畝有棲糧漢閣歸  
期闊隋河去驛長風高片帆疾鉦鼓入秋光

送張寺丞

覲

知富順監

漢家五尺道置吏撫南夷欲使文翁教兼令孟獲知盤  
羞蒟醬實歌雜竹枝辭取酒須勤醉鄉關不可思

送二同年使北

二首

華纓下玉除天子寵匈奴雖復夷風陋猶知漢使殊夜

烽沈不舉秋柝寂無虞何必燕然刻蒼生肝腦塗右呂濟叔

雲愁雪欲零四牡出郊坰古塞煙華紫寒沙日氣青金

門祕雞樹朱節耀龍庭幾夜天街北遙占漢使星右李公素

送沈寺丞紳字公儀知南昌縣

長江湛湛帶楓林古木寒雲縣寺深老吏不能容狡獪  
細民無復有冤侵洪崖丹井聞猶在徐孺衡門說可尋  
寧復淹留如寶劍更令牛斗氣沈沈

送王校理懌字公和守瑯琊沂公兄子為公後

金門倦鳴玉千騎出東方封略依滄海粉榆近故鄉秦  
碑苔蝕字郵稻日翻芒國吏遙應識當年丞相郎

送龔章判官之衛州

新及第

几硯昔年遊於今成十秋松堅終發石魚變即辭流近  
郡無飛檄清時不借籌淇園春竹美軍宴日椎牛

送王瓘

字文玉

同年河南府司錄

先君嘗爲此官

綵服昔爲兒隨親宦洛師至今餘夢想常記舊遊嬉佐  
史頭應白書樓樹已欹聞君行有日使我淚交頤

送王彥臣

字伯逢

同年通判亳州

先朝御六飛親謁瀨鄉祠牛酒當時惠衣冠此日思仙  
蹤丹有竈天瑞檜生枝聖主憐耆舊題輿得吏師

送茹屯田

孝標

知無爲軍

疊鼓鳴鏡迎候新軍牙子子倚淮津聊應衣繡過鄉曲

不作引章驚故人  
荻迸短芽淝水暖  
荷浮圓葉藻湖春  
使君此去榮多少  
猶是當年書劔身

送邵不疑知常州

宦學不營身  
京華費十春  
非貪爲郡樂  
意欲與民親  
祖帳青門道  
歸帆揚子津  
江山舊遊在  
煙火故鄉鄰  
敢惜離羣闊  
欣聞得吏循  
嗟余一囊米  
深負鬢絲新

送聶之美任雞澤令

趙魏高氣俠  
到今風俗然  
椎埋吏難禁  
擊斷世稱賢  
明府宜更瑟  
罷民庶息肩  
無如繭絲者  
急斂縱敲鞭

送張祕校

牧

知分寧

獻臣父

百里大夫官  
不輕莫嗟領  
上髮垂星  
人生穀祿偏  
宜晚



世路艱難不厭經數曲秋江縈縣白幾峯霽色入簾青  
于公嚮日多陰德已有鵝雛在帝庭

送韓直講

鐸字子文

鄆州寧親

車馬儼何之東岡舊有陂三年別親意千里達家時去  
仕元戎幕來爲太學師寧須負斗米不復斷機絲物色  
迎歸輶光輝入壽卮人生無此樂此樂獨君知

送丁祕丞

翊字公佐

知雍邱

古縣跨河流人繁軍市稠羽飛朝暮驛鮮疊往來舟兄  
擅才華久時推政治尤足猶妨老驥目不礙全牛從道  
西來近能無東望愁時因趨上府窮巷一相求

送計先輩

泰符

尉宗城

紅塵久帝城高價動公卿竹柏寒方茂驂騮老更成冰  
霜驅馬瘦書劔束裝輕丞相虛東閣遙知倒屣迎

送趙殿丞

象字歸成都祀明堂禮畢子輿新升

事賜告歸寧得其除書以俱二三  
同舍為詩以紀其美僕得回字

蜀棧錦衣來高堂綬笥開恩輝同日至喜色共春回駟

馬過鄰社朝裾捧壽杯吾生無此樂空使寸心摧

送張都官

肅字江南東路提刑得前字

楚俗號難治司刑尤擇賢危疑片言決舒慘一方專松

不彫寒色絲曾斷直絃清風過江外應在下車前

送楊秘丞

秉通判揚州

昔聞小杜說揚都當日豪華今在無江勢橫來控南楚

地形前不瞰東吳萬商落日船交尾一市春風酒並壚  
得意莫忘京國友躡塵衝雪奉朝趨

送光祿王卿

周

致仕歸荆南

九列誰云非顯塗人生已不負爲儒拂衣長揖夔龍貴  
散髮還爲黃綺徒白鶴歸飛心自遠青霞高舉勢何孤  
千金盡與鄉人費不向江頭買木奴

送王殿丞

恪

西京簽判

清白世風存王公復有孫挺生如玉樹不竭似淮源日  
背嵩峯紫春添洛水喧幕中多勝友肯使負芳樽

送謝都官

顓

知光化軍

廐吏整車馬忽忽辦曉裝青緇出闔闔朱旆指滄浪野

傳家集卷三  
店杏初發津亭柳已黃行行不可駐猶及勸耕桑

送仲更歸澤州

太行橫擁巨川回三晉由來產異才  
展墓乘春走鄉陌負書拂曉下蘭臺  
河陽路側花應合天井關頭雪未開  
會使鄉人驚六印莫羞今日敝裘來

送劉觀察

從廣

知洛州

漢家英俊士袞袞出金章久襲通侯籍  
新腰太守章矜封連故趙廬井帶清漳  
春色迎鏡吹應忘道路長

送晁校理

仲衍字子長

知懷州

雞犬相聞桑柘春風光明潤帝鄉鄰  
羣峯斜轉太行角萬谷同趨馬頰津  
簪組傾都邀別袂壺漿滿路候行塵

非君厭薄承明直天子方今重治人

席上賦得榛子

微物生山澤蕭條荆棘鄰何人掇秋實此日待嘉賓雖  
無木桃贈投此寄情親

送師道知長溪因歸覲省

羈旅帝城久逢人青眼稀聞君又當去使我益思歸佳  
色鄰鄉樹高堂望綵衣春流先自疾心出片帆飛

送次道通判西京

相府新承檄蘭臺舊校文題輿榮得士把袂惜離羣首  
夏郊原秀晴陽草樹曛觚稜日邊遠闕塞霧中分翠嶺  
林端出飛泉竹外聞金羈遊爛漫珠履醉繽紛人服聲

傳家集卷三  
九  
光重官無簿領勤歸期肯留滯漢主待淵雲

送劉儀先輩大名尉

潭潭相府開旌騎擁三臺聞道廷中吏無非天下才策  
名新振拔把版尚低回勿爲卑飛困青冥盡此來

送皇甫寺丞穆知藍田縣

南山三輔劇百里古諸侯誰謂絃歌小不分宵旰憂煙  
橫輞川暝雲照武關秋安得無羈束從君一縱遊

送祁嶠穎陽主簿

蒼山臨縣郭雲木冷蕭騷人有漁樵樂官無簿領勞垂  
天起膚寸合抱本纖毫志意誠修立歸飛羽翼高

送李尉以監丞致仕歸閩中

行行歌式微浩歎返荆扉却著登山屐盡焚趨府衣溪  
清魚影亂竹闌筍牙肥應悔浮名誤空將白髮歸

送李祠部

復圭字  
審言

知滑州

東郡隄繇苦鄉來煙火踈提封百里遠生齒萬家餘賢  
守車纔下疲人意已紆行聞謠五袴京廩滿郊墟

送田校理

諒字  
仲孚

知晉州

前判吏  
部南曹

銓筦萃賢豪夫君主劇曹長才沛餘裕衆論蔚推高逮  
此分符貴知無頓刃勞公卿如有缺不獨賜金褒

送人爲閩宰

萬里東甌外溪山秀出羣鄉人皆嗜學太守復工文正  
用慈良化居無牒訴紛誰云遠京國佳政日相聞

司馬文正公傳家集卷第十三

蘇州府學教授浦起龍校字

蘇州府學教授浦起龍校字

同公更升名無難梅餘語云意京國卦效日卧聞  
西里東國松影山夜出羣嶽入昔習學太守鄭工文五  
此衣林貴决無難只樂公嗽咬百楚不歸顯金聚  
錢樂翠習豪夫主主陳曹身木祇殺谷泉儲儲鮮高  
車車下乘入意日秋林開臨五蘇京東蘇蘇蘇  
東得則維苦機來點火親魁挂百里去主高萬來銀管  
蘇李師雅  
蘇州府學教授浦起龍校字



司馬文正公傳家集卷第十四

後學桂林陳弘謀重訂

律詩九

送李才元知廣安軍歸成都覲省

阜蓋五驂騮今來異昔遊  
簞壺交里舍饒吹下瀛州  
壽酒行當舉歸鞭不可留  
春光久相待先在錦江頭

送上雒王推官

經臣

墨綬百里宰紅蕖幕府僚  
民淳無鬪辯地勝得逍遙  
日上雲未散春深雪不消  
知音已交薦勿茹紫芝苗

送瀛州簽判蘇秘丞

宋

高陽十萬兵幕府藉時英  
塞上風猶勁關南春未生  
投

傳家集卷十四  
壺邊柝靜倚馬檄書成不忘塵中客征鴻可寄聲

送周寺丞

改知洛南周華人

太華指商於中間百里餘稍行山驛遠漸與世塵疎楚  
塞參差接秦民錯雜居惜哉非祭肯不足試投虛

送齊學士

廓字公闢知荆南

漢家太守治才高楚國山川氣象豪旗旆逶迤蟠夢澤  
樓船鼉鼓壓江濤雄名誰復知宣武遺愛猶應祀叔敖  
何必三年求奏計詔書朝夕賜金褒

送王待制知陝府

疇昔誠相契間關分不渝

先君知鳳翔府待制通判府事以道誼相知非直僚友而已

已絕絃悲宿草撫首念諸孤位略尊榮間年忘德齒殊

清陰容息足重語辱噓枯

待制主漕京西光仕  
武成幕府仍叨獎引鷗閣騫

雲表虹旌拂海隅明光新出綉陝陌重分符豐潤還桑梓謹謳復路衢寧須更條教耆舊已簞壺

待制再為陝  
牧光寔陝人

### 送張景淳知邵武軍

閩嶺宵何在東南千里遙  
化離傷草草會合更迢迢  
隋岸微吹絮吳江欲上潮  
肯無同舍念回首弭輕橈

### 送章伯鎮知湖州

江外饒佳郡吳興天下稀  
尊羹紫絲滑鱸膾雪花肥  
星斗寒相照煙波碧四圍  
柳侯還作牧草樹轉清輝

### 送王伯初通判婺州

煜爚屏星駕迢迢婺女區  
嵐光晴向背溪溜暖縈紆  
萬

室鳴機杼千艘隘船艫若逢耆舊問能說隱侯無

送張少卿學士

子憲知洪州

相府典刑在朝閨望實高紬書榮史觀典樂重卿曹夷  
路迎飛鞚桑林應奏刀家籛傳舊學廟鼎刻前勞袷服  
屯千騎連檣閱萬艘劒芒衝夜氣閣影動秋濤風色傳  
花信煙光拂酒膏使君專問俗無意在遊遨

送昭遠兄歸陝

種種親頭白帝城難少留倚門應有望列鼎本無求清  
夜多歸夢紅塵厭久遊此行殊捧檄轅下五驂騶

送雲卿知衛州

汗簡成新令褰帷刺劇州韋平家法在邵杜治聲優野

竹交淇水秋瓜蔓帝邱三年歸奏計肯顧石渠遊

送石昌言知宿州

煒煒符離守中流簇鼓旂柳陰濃不斷舟勢激如飛魏  
闕行歸奏承明祗慙違星軺晨夜度尺素勿令稀

送何濟川知漢州二首

金馬從容樂問君何所之客心影若梗親髮鬢如絲舊  
學已孤陋素交仍別離執經時有問使我復從誰  
千騎擁朱轡青霞晝繡還復尋題柱迹重過棄繻關曉  
棧流雲濕秋湖脫葉殷久遊今得意真不愧江山

送程端明戲知成都

高陽將幕開濯錦使旌來欲識關頭雪正如江上梅宵

傳家集卷十四  
衣衿遠俗露冕寄良才豈待三年最脩梧茂帝臺

送聶秘丞之美宰桐城二首

問子青雲器胡爲不少留未能充祿養安敢及身謀卓  
爾千人俊居然百里優連城價終在自是玉工羞  
七載一相值恍然如路衢形骸漸枯槁志業轉荒蕪往  
事雲過眼新悲雪染鬚明朝又分首上馬即重湖

送蒲中舍

霖

致政歸蜀

前栗亭令

二首

厭苦折腰久飄然黃鵠飛田園未蕪沒鄰曲有光輝昔  
奮儒衣去今紆朝紱歸人生貴知足得此已爲稀  
念昔兩髦日烏奴同燕遊隨時自有樂何物可爲愁豈  
意今頭白相逢欲涕流憑君訪題壁好在水西樓

光侍先君

爲利州路轉運使與君屢  
遊烏奴山寺題名屋壁

送李侍郎束之西京留臺

先公勲烈盛鹽梅清白仍聞世濟才  
華省拂衣辭簿領長衢回首謝塵埃  
嵩峯排霧依稀出洛水迎人迤邐來  
寄語馬前頭白吏何殊昔日李西臺

送元待制絳字厚之出牧福唐

甌越東南美田肥果稼饒况懷新賜綬  
重過舊題橋食足姦回熄風移獄犴銷  
長才報政速鈴閣日逍遙

送吳駕部處厚知真州

擲託屏星駕同隨丞相車終朝容嬾拙  
經歲庇迂疎共此趨雲闕旋聞建隼旗  
江淮一都會遊刃必多餘

送王著作慥西京簽判

古來都邑美孰與雒陽先  
况復元侯貴兼之從事賢  
玦離橫闕塞珠曲逗伊川  
慰眼登臨樂送君空惘然

郭氏園送張仲通出刺棣州

得朝字

名園送嘉客冠蓋去傾朝  
小雨塵微斂餘寒酒易消  
鴈歸春近塞日上海生潮  
北道平如掌東風五馬驕

送裴中舍士傑赴太原幕府

元戎台鼎舊大府節旄新  
邊候正無事賓筵况得人  
山寒太行曉水碧晉祠春  
齋釀蒲萄熟飛觴不厭頻

送致仕朱郎中令孫

世間榮利無窮物奔走勞  
勞何所之仕宦爲郎非不達



功名有命待無時，橐中雖乏千金直。  
膝下常攜兩綬兒，細校人生能此少。  
好從閭里樂期頤。

送宋郎中知鳳翔府

昔解陳倉印於今，二十秋雙鳧久東上。  
五馬重西遊，驍騎行關外。  
壺漿擁道周民心，已化服條教不更修。

送王都官

淑字元之

官滿還都

粹美清廟器，可嗟沈下僚。  
優遊仲舉坐，洋溢海沂謠。  
奏課應居首，知音况滿朝。  
從今黃鵠舉，眼合望青霄。

送昌言舍人得告還蜀三首

迢遞銅梁道，凝嚴青瑣闈。  
負書當日去，鳴玉此時歸。  
鄉樹迎朱轂，江花照錦衣。  
臨邛不足並，榮耀古今稀。

傳家集卷十四  
五  
悽愴懷桑梓劬勞詠蓼莪樹風今遠矣鼎食奈悲何  
劔閣登車近秦關屈指過騰裝纔首路夕夢已江沱  
富貴動歸思由來光里閭戒門羞主父負弩笑相如  
外物有榮悴中心無戚踈遙知見親舊不改布衣初

送張學士

師中字吉老

兩浙提點刑獄

得清字

朝家重典刑書府借時英鉦鼓喧江下雲山拂眼清  
秋風鱸膾美晝日錦衣榮勿似朱翁子空令守邸驚

送王書記

申字應辰

之官永興

白髮添新鑷紅塵滿敝衣人生適未值吾道豈云非  
鞏洛風煙遠函秦草樹微長安春酒美行樂勿令希

送朱職方

處仁字表臣

提舉江淮運鹽

熬漉滄波耗征輸澤國貧嬰羅矜赤子運筴借能臣拜  
手觚稜晚浮舟浪蕩春東南待蘇息別酒莫逡巡

送次道知太平州

浪蕩春流滿蕪湖候吏迎旌旗曉日麗鉦鼓野風清  
喜紅塵遠休嗟素髮生專城方四十自古以為榮

送蘇屯田

宋字公佐知單州  
蘇先君嘗知單父縣

佳郡望都城相聞擊柝聲賓朋纔執別耆舊已前迎  
綵服當年戲驪駒此日榮絃歌應盡在琴調不須更

送李學士

及之字公遠使北

征蓋霜空迴飄飄迎塞鴻虜牙侵海角漢節下天中  
酒薄陰山雪裘寒易水風邊聲不可聽歸思浩無窮

送薛水部十丈通判并州

十萬貔貅士旌旗晉水陽元戎倚耆碩別乘選才良秀  
直寒松節精明利劍鉞知君留滯久從此欲騰驤

送祖擇之守陝

聲教空巖穴夫君集帝庭辭華動丹宸光價塞青冥俊  
德爭推轂榮塗易建瓴陸離寒水玉磊落曙天星得喪  
誰先識艱虞困屢經蹉跎渥洼足漂泊鳳凰翎粉署疏  
恩紀甘棠寄典刑仁風思布濩疲俗待綏寧賤子良多  
愧餘光每乞靈題名聯士版占籍備民丁種種顛毛白  
蕭蕭壟柏青陌頭瞻阜蓋獨立涕飄零

送賢良陳著作

舜俞

簽書壽州判官

海隅方萬里豪雋幾何人百汰求才盡三薰得士新聲  
華四方聳器業一朝伸佗日蒼生望非徒澤壽春

送魏寺丞廣赴辟秦州判官

征西大府開後乘得高才區脫烽煙靜渠搜職貢來隴  
雲低玉帳羗舞奉金壘信美從軍樂脩梧茂帝臺

送丁正臣知蔡州

趨趨汝水濱千騎擁朱輪懸瓠遺基古鞞囊吉夢新丹  
心留紫闥清耳遠紅塵須識明君意先應試治民

送周密學

沈字真真定安撫使

玉帳前茅舉銅魚左契分平生公望著期月政聲聞陌  
上壺漿溢潭邊花氣曛遙知待新將民物兩欣欣

傳家集卷十四  
七  
送燕諫議知潭州

長沙地饒美賈誼獨傷悲自古臨榮辱幾人無怨咨使  
君擁符節大艦出江湄意氣陶然樂應無弔屈辭

送李益之侍郎致政歸廬山二首

益之好談禪  
故效其語

儒業金華貴歸心白鶴孤江山依舊在軒冕  
歸來無嘯詠誰當共登臨未索扶浩然知此樂  
迴與世人殊水底元無月衣中自有珠六塵皆  
外物萬法盡迷塗瀑布寒雲濕觚稜瑞氣扶  
遙知至樂地不異在京都

送惠思歸錢塘

孤岫平湖外禪房老柏陰倦遊諳濁世獨往  
遂初心夜雨燈窗迴秋苔屐齒深勿鉏山徑  
草便有俗人尋

送僧歸吳

高枕聊成夢，晴空忽見花。  
浮生盡是客，何處得為家。  
旅食帝城久，歸舟澤國賒。  
勿因菰菜味，回首浩無涯。

送晁秘丞

端彥

通判雄州

少傅名德重蔚然，人物師羣孫。  
滿丹穴嘉瑞，盡長離。勿歎毛羽短，已驚文采奇。  
勉哉勤志業，餘慶未應衰。

送向防禦

經

知陳州

千騎去翩翩，專城尚少年。  
韋平家好學，陰馬世稱賢。  
官用才能進，恩非雨露偏。  
想聞河潤遠，封畛帝畿連。

泉水詩送吳都官

太元字一翁

分司歸和州

泉水出幽谷，原流本自清。  
縈回徧中國，浩蕩入東瀛。  
峽

傳家集卷十四  
口春雷怒潭心曉鑑平悠悠隨所值行止兩無情

依前韻奉送才元和甫使北

析木帶天津華星隨去人揚旂踰絕漠負弩候前塵出  
塞風霜苦歸塗楊柳春會書專對美熒熒滿秋筠

送丁正臣通判復州

得失故有命世人空自勞冬溫少霜雪松短沒蓬蒿孤  
宦千里遠榮名一旦高回看碌碌者太華與秋毫

送吳仲庶知江寧

江南佳麗地人物自風流青骨靈祠在黃旗王氣收衣  
冠餘舊俗歌頌樂賢侯正恐還朝速江山未徧遊

長安送李堯夫同年



昔歲瓊林花氣曛今朝長樂柳梢春事隨流水滔滔度  
鬢結繁霜戢戢新世路飽諳都是夢人生可貴莫如身  
會須築室臨清洛相與攜筇戴葛巾

送羅郎中

登

管勾玉局觀

官名爲玉局已與俗塵疎鐘出寒松迴香疑古殿虛鄉  
閭非甚遠俸祿豈無餘誰道神仙樂神仙恐不如

送劉仲通赴京師

聖朝方考牧蕃育寄才能屢別良可歎閑遊不復曾行  
塵遵洛汭朝騎對觚稜灑上秋臺迴歸來正好登

送伯淳監汝州酒

誰知負米樂不覺抱關卑出處兩得意是非皆自知

送堯夫知河中府二首

耆老承風舊絲綸錫命新展禽安屢黜原憲樂常貧執  
志窮通壹論交表裏真但祈深自重膏澤望斯民  
河抱城根曲山侵地勢斜周餘古樓觀舜俗舊人家回  
首遊從闊裝懷牒訴譁何時重載酒同醉洛陽花

送白都官歸長安

丈夫那肯浪低眉薄宦空添鬢裏絲瀘水歸來山浩蕩  
都門辭去菊離披黃雞白酒五陵樂杜曲樊川九穀宜  
復見夫君行直道崆峒氣俗未應衰

送雷

章

秘丞知芮城

西伯昔斷訟令名存迄今南臨大河曲北倚首陽岑俗

被聖賢化人多禮讓心夫君老經術終日想鳴琴

春帖子詞

皇帝閣六首

肇履璿璣曆重飛緹室灰寒隨土牛盡暖應斗車回  
鸞路迎長日農祥正曉天九垓同燠沐萬物向蕃鮮  
盛德方迎木柔風漸布和省耕將效駕擊壤已聞歌  
候鴈來歸北寒魚陟負冰相烏風色改暘谷日華升  
浮陽滿野白溶溶澤底山椒淑氣通草木豈能知造化  
一華一葉盡天功  
漠然天造與時新根著浮流一氣均萬物不須雕刻巧  
正如恭已布深仁

太皇太后閣六首

盛德初臨震陽和已動坤發生天施大厚載母儀尊  
種桃臨玉井裁勝刻金花借問此何處崑山王母家  
長樂曉鐘殘皇輿入問安東風猶料峭冒絮禦餘寒  
慶壽風煙接未央飛樓複道鬱相望春來無以銷長日  
閑取經書教小王  
冰澌半解波先綠柳葉未生條已黃四海澄清天子孝  
朝回日奉萬年觴  
東宮歸政五年餘隱几時觀黃老書禁闈無爲民自化  
熙熙不獨在春初

皇太后閣六首

母德思齊盛天心奮豫初青暉凝輦路佳氣擁宸居  
暖日初添刻柔風乍襲衣弄孫時哺果觀織屢臨機  
膾肉紛銀縷蘭芽簇紫茸太官遵舊俗歲歲與今同  
釵上花開海鷺飛紅繒翦萼蠟黏枝風前飄蕩參差羽  
還似瑤箱呈瑞時

玉漏聲殘金殿開乘輿清蹕問安來盡將草木欣欣意  
同與新春入壽盃

裁縫大練成春服慈儉由來性所鍾肯使外家矜侈靡  
車如流水馬如龍

皇后閣五首

種稔獻新種禕褕澣舊衣玉鈎隨步輦行看采桑歸

樛木猶藏葉天桃未作花六宮歌逮下四海詠宜家  
溝暖冰初斷窗晴雪半消餘寒不足畏塗壁盡芳椒  
寶勝金幡巧鬪功綵花蠟鷲颺和風玉盤翠苜映紅蓼  
捧案朝來獻兩宮

春衣不用蕙蘭薰綠領無煩刺繡文曾在蠶宮親織紈  
方知縷縷盡辛勤

夫人閣四首

壁帶非煙潤金鋪霽景鮮繡功添采縷和氣入繁絃  
翦綵催花發開簾望鷲歸藏闔新過臘習舞競裁衣  
綺窗繡戶又東風丹掖遊陪歲歲同但願太平無限樂  
何須三十六離宮

聖主終朝勤萬機  
燕居專事養希夷  
千門永晝春岑寂  
不用車前插竹枝

司馬文正公傳家集卷第十四

蘇州府學教授浦起龍校字





司馬文正公傳家集卷第十五

後學桂林陳弘謀重訂

律詩十

仁宗皇帝輓辭二首

聲教萬餘里文明四十春  
茂勲留信史盛德滿生民  
共適禽魚樂安知橐籥仁  
百年龍馭遠空復仰威神  
霧曉銅魚躍霜寒閭闔開  
哀聲際海發靈仗拂天來  
別寢嚴虛位重閣闕夜臺  
柏城空有路無復屬車回

英宗皇帝輓辭三首

盛德師堯舜英姿肖祖宗  
太陽光徧照滄海量兼容  
鴻業知能繼齊民望可封  
如何未五載已上鼎湖龍

虹瑞流朱邸童髦侍紫宸簡心天與子授位帝知人學  
古功時敏鉤深道日新宜然三百載民物仰威神  
諫省臣無狀龍鱗昔屢嬰恩深忘位賤義重覺生輕不  
正誅鋤法仍蒙獎歎榮百身何足報天造固難名

神宗皇帝輓辭五首

決事神明速任人金石堅天機先兆朕聖度蘊淵泉仁  
義生知性恩威獨化權乾坤無毀息長與大名傳  
聽政涉中昃觀書度夜分周王忘自逸漢祖不知勤棣  
萼因心友雲章落筆文他年紬石室光大繼皇墳  
至德成無象徽名避不居期門弋獵絕步輦宴遊踈錢  
列金釭暗兵嚴武帳虛蓬萊日晏仗猶望駕宮車

鼇禁叨承詔金華侍執經微生輕草芥聖澤闊滄溟鹿  
性安林野葵心注闕庭堯雲不可望白首涕飄零  
式道清行馬靈輶下陞簾雲奔同軌集雨泣兆民瞻石  
闕蒼煙暝松門白露霑戴弓徒隕絕無計附龍髯

光獻慈聖太后輓辭二首

麟閣承家慶軒星應德暉帝猷陰有補嬪則動無違遽  
就蒼梧野空餘大練衣只應彤管在萬古播鴻徽

四紀禕衣盛兩朝長樂尊九州貢甘旨萬乘問晨昏明  
辟歸元子嘉謀賚孝孫羣生資后土難荅化光恩

相國魏忠獻韓公

琦

輓辭三首

瀛海訐謨定宗祧指顧安鴻勳柱石壯勁節雪霜寒翼

亮三朝久初終一德完如何未黃髮壟柏已丸丸  
愛物威容悴憂公宿疹加孤忠貫白日美志掩丹霞行  
路皆惆悵聞風悉歎嗟英靈覲宗祖猶想佑皇家  
惻怛動旒宸鴻臚葬老臣簫鏡震淦口緋髮隘漳濱久  
大英名在哀榮異禮陳豐碑紀遺烈長泣鄴城人

相國鄭元憲宋公

庠

輓辭二首

仁聖初承緒敷天籲雋賢得人茲最盛射策獨居先禁  
省英聲遠巖廊至化宣辭榮還故第三事究高年  
邦光華袞補家寶素書陳東閣簪裾散西芒宅兆新泉  
臺無復曉柏逕不知春獨有高文在芬芳繼古人

相國祁正獻杜公

衍

輓辭三首

舟楫才猷大冰霜德操堅陶鈞成茂業書史樂高年瞻  
望簪紳共吁嗟館舍捐舉時無異論方信令名全  
釣玉吳臺舊誅茅梁苑新位登華袞貴家似布衣負直  
道高當世清風遺後人千秋寒照目竹帛不棲塵  
先子同烏府知音誠皦然脫縲來拜伏撫首辱哀憐迨  
此泉扃掩空悲塵網牽無由懷酒絮撇涕望新阡

相國廣平文簡程公琳輓辭二首

明直君臣合安危將相兼金章四輔貴玉帳萬兵嚴禦  
侮長城隱臨繁利刃銛南山賈巖石何以慰民瞻  
帝誥封泥紫皇墳殺簡青坐談安玉壘專對讐龍庭黼  
黻昭文理冰霜瑩典刑英靈入箕尾終古作天星

相國潁莊敏龐公籍輓辭三首

儒衣臨絕塞廟略運奇兵  
緩帶羌塵靜靈旂海霧清  
公心結明主陰德庇羣生  
名遂身仍退人間五福并

銘旌遠明滅騎吹去低昂  
三鼎功名大重泉日月長  
鶴飛來弔客牛臥卜連岡  
車馬還城郭悲風滿白楊

滄波與鄧林魚鳥久飛沈  
一旦成陳迹何人識寸心  
高山亡景行流水失知音  
淚盡離東閣歸來破故琴

司徒開府韓國富公弼輓辭四首

天祐休明祚時生  
雋傑臣賢科首多  
士宰府澤生民煥  
爛三台正冲融  
四海春欲知甄治  
力試問白頭人

松漠驕無信漁陽廣聚兵  
移書侮中國決意背齊盟  
直

氣輕輶入英辭左衽驚虜歸烽火滅寓縣復升平  
大呂功名重鴻毛軒冕輕閑居客愈盛蹇出市皆傾溟  
海涵容大龍門謁見榮謙光儼在目慟哭望佳城  
杖屨還私第精誠在本朝愛君老不懈憂國歿方昭東  
閣秋牢落西芒夜寂寥只應忠亮志氣運不能消

參政正肅吳公育輓詩三首

皇家延茂異鸚立迴無倫高議誰能奪英才自有真驊  
騮寧受絜冰鑑不棲塵試為咨清論風流第幾人  
辭華已獨步政治復無前吏不容三穴民皆戴二天於  
今知和寡自古愧才偏惆悵棠陰下仁風尚藹然

公再為陝

牧光實陝人知公之政

念昔少年日謬登君子堂重言何以稱厚德不能忘

光昔

以文請見公荅以長歌過有褒歎

玉塵聲容在泉臺歲月長憑誰寄清

淚為我灑松岡

北京留守太師王公

拱辰

輓辭二首

盧肇時推重終軍眾共賢何如奪標日未及弃繻年官  
歷清塗徧名居美事先人間福有五視履豈非全

昔日程文士

光應舉公發解

中間侍坐賓游陪慙晚輩待遇過

他人方歎龍門遠俄驚馬鬣新西園行樂處引領但露

巾

贈太師文公

彥博

輓辭三首

汾晉地形美古今多鉅賢况承勲烈後宜有慶靈傳著



位登朝右聲華出衆先起家從此始圭組遂蟬聯  
美化流民物薰然遺愛多樂公當日社邵父至今歌庭  
有三鱣集門容駟馬過欲知餘慶在公鼎格平和  
夏屋封何處山田有臥牛蟠根走伊水回首負嵩邱忠  
孝家風備哀榮禮秩優龍鸞舞宸翰萬古照松楸

樞密太傅文恭胡公宿輓辭二首

行冠鄉人品文爲學者師黃裳蘊厚德玉律儼清規大  
節人難奪嘉謨世莫知儀刑不可見遺烈滿豐碑

徘徊游內禁密勿贊鴻樞陰德加民物清名服士夫天  
方遺一老星忽隕三吳疑從龍髯去乘雲在帝都英宗時方

仙上

贈太子太傅康靖李公 若谷 輓辭二首

黃髮今彫喪蒼生欲奈何散金纔極樂曳杖已成歌十  
郡餘恩在三臺故吏多位崇仍有後五福更為多  
鹵簿去悠悠西郊亂葉秋旒翻寒日薄笳咽斷雲愁弔  
客門飛鶴佳城山臥牛靈車今不返洧水自東流

宣徽惠穆呂公 公弼 輓辭二首

奕世台衡貴盈門紱冕榮遐方流惠化殊俗讐威聲宥  
密資忠力安平寄老成遽騎箕尾去何以慰蒼生  
維嶽人皆仰長城衆所依遠猷方克壯昭世忽長違象  
設儼如在英靈宵不歸唯應令名久竹素藹餘輝

宣徽使文肅鄭公 戩 輓辭二首

璿璣敷帝命金節護邊兵盡付將軍制真爲儒者榮扶  
搖方上擊濛汜忽西傾罷市人相弔紛紛滿百城  
柳翼喪容盛江山故國遙清時獨長往何日重來朝事  
與秋雲斷榮如曉夢消西風虎邱路馬鬣又蕉堯

又代孫檢討

瑜

作二首

湖澄翠岫孤勝地古東吳氣象常時秀英靈何世無金  
閨演王綽玉帳綰兵符煒燧照鄉曲從茲益重儒  
人爲天地客處世若浮休豈有生長在祇知名可留露  
沾寒草晚風嘯白楊秋地下求文友應從顧陸游

翰林彭學士

乘

輓辭三首

夙昔游清貫時流籍重名讎書石渠祕視草玉堂榮吉

傳家集卷十五  
六  
兆虛三鱣凶期告兩楹子雲思故國墳樹必西傾  
平生對交舊萬日正如初不復知榮賤都能忘戚踈遺  
靈瞻素几僞物屏塗車家事何蕭索空餘萬卷書  
祖奠垂將撤笳簫儼欲行野寒嘶故馬樹轉出新旌泉  
路幽無底魚燈暖不明如何齋美志鬱鬱向佳城

楊侍郎

察

輓辭二首

時論歸清德皇心重老臣祖風終鯁直家學本深淳便  
殿談經久安車就第新如何金未盡奄忽棄鄉人  
憂國心如石當朝有古風挂冠雖在遠遺札不忘忠飛  
旒西歸洛新阡背倚蒿還令往來客下馬白楊中

王侍郎

琪

輓辭二首

弱冠獻竒策居然終賈才賦成平樂館歌奉柏梁杯侍郎

天聖初以江都主簿上書獻十策召試館職嘗侍宴後苑賦山水石歌首出諸文士獨被褒賞麗藻留

昭世英游隔夜臺土中埋美玉誰見不興哀

振鷺辭靈沼冥鴻翔太虛清朝解鳴玉舊里挂安車詩

酒江山勝園林俸祿餘所忠今不在誰奏茂陵書

鄭侍郎紆輓辭

雲夢氣回復比肩生雋豪司農家學富廷尉里門高  
騏昔千里鳳凰今一毛即邱餘慶在終應呂虔刀

侍讀王學士輓辭二首

石室書編富金華講席重薦紳歸博洽鳴玉稱雍容  
貳負纍囚象尸臣古琢蹤老成今已矣咨訪欲誰從

傳家集卷十五  
七  
杯底潛蛇影門陰集戴鴛玉樓新記就石槲舊銘沈篋  
有封巒札籟無遺子金寂寥封馬鬣秋色淨松林

參政尚書文簡丁公度輓辭二首

鳳蹕游汾曲非熊得偉人  
閨臺尤顯重訓誥愈深淳  
論道參黃閣橫經侍紫宸  
如何天不憖志業未全伸  
丹闕晨趨退蕭然忘世榮  
閑齋虛自白永日澹無營  
脫落簪纓累沈冥邱壑情  
貪夫誠有激千載素風清

侍讀張學士瓌哀辭二首

喜愠與榮枯居之悉晏如  
稍閑多執筆至老不拋書  
常愧無能極曾霑清論餘  
秋風郭門外雨泣望喪車  
凶夢歌洹水妖巢集戴鴛  
未嘗餘俸祿無以具衾衾

渙分倉穀翁歸賜府金他年純固傳寧使令名沈以朝廷  
清貧賻  
贈有加

錢左丞 明逸 輓辭二首

煒燧傳家學連翩射策榮走丸過省閣破竹取公卿埋  
玉嗟何早為山惜未成空令澤宮友相顧淚縱橫同年致祭

者二十人

象設如平昔升堂不見君尚疑言笑在忽念死生分清  
論千秋雪浮榮一片雲泉臺多少路何處復修文

紫微石舍人 昌言 輓辭二首

地勝岷峨秀時清雋乂生揚雄晚得祿何武少知名性  
有圖書癖心忘紱冕榮前年歸諭蜀不使里人驚

顧我非君比最爲相得歡平生游處久美行始終完  
長夜忍埋玉秋霜不借蘭西風溼襟袖空有淚闌干

邵少卿輓辭

北固啓佳城東吳賈德星總帷長寂寞羽扇遂飄零  
泉燭千年碧霜松數寸青慶餘知有在玉樹滿階庭

梅都官

堯臣

輓辭二首

兵形窮勝負史法貫興衰落落雖殊衆恂恂不迂時  
位卑名自重才大命須竒世俗那能識傷嗟止爲詩  
漆燈無復曙柏徑不知春南紀光華減中朝俊秀貧  
淒清千古韻寂寞一邱塵異日昭亭下方多溼酒人

臧郎中輓辭二首



積慶承前烈呈才會聖時踐揚朝有籍治行吏爲師僚  
友皆親譽黎民每去思惜哉違世早志業未全施  
素履存誠厚虛懷待物真鄉閭昔相接朋友世彌親遺  
札蠅頭細長阡馬鬣新九原那可作空復想音塵

張元常輓辭二首

爲吏文無害臨民政不苛渾金生自美古井澹無波方  
喜風鵬舉旋聞隙駟過善人宜壽考報施定如何  
秀眉無足驗結轡遽爲災鄉曲三年別江山萬里迴林  
閭飛旒入書劍逐舟來墳草枯還綠重泉不復開

王朝議

尚恭

哀辭二首

場屋推聲價朝紳仰典刑朱衣老卿列白首戀親庭丹

壑一朝失泉臺萬古高音容宛在目爭免涕飄零  
樂易春陽暖孤高秋氣清老惟知自適貧不問爲生京  
兆開阡貴延陵題墓榮如何帝師筆純孝紀名卿

邵堯夫先生哀辭二首

菽藿一簞樂蒿萊三畝寬蒲輪不能起甕牖有餘安高  
節去圭角久要敦歲寒今朝郊外客誰免涕沆瀾

慕德聞風久論交傾蓋新何須半面舊不待一言親講  
道切磋直忘懷笑語真重言蒙蹠實佩服敢書紳先生嘗以

予爲腳踏  
實地之人

哭公素二首

負書游上國拾芥取榮名雅度津涯闊高文風雨驚忘

懷翻得謗縱酒遂傷生忍使泉臺客悵悵不自明  
丹旌倚轡車榮辱盡虛無半道驂騑頓先秋蘭茝枯兒  
癡纔過齒親老不勝扶家事今蕭瑟寧將未第殊

哭尚穎

字公楚

操業五常備艱難六極全仲尼難語命裨竈不知天弱  
女飄何許遺文散莫傳官輕史不錄後世孰稱賢

哭劉仲遠父

天下才無幾夫君獨患多高文粲列宿英辯瀉長河榮  
宦成朝夢浮生度尺波舊僚空執酒相與淚滂沱

昔醉金明渚今來慧辯祠當年笑相視此日哭殊悲天  
迥川原淨風高草木衰江梅靈氣在泉下復相知

哭馬承之

平生千里別書問亦常來隼拂秋雲擊鸞兼霏霧迴鄉  
無高世藝安見出倫才有紙盈箱篋局封不忍開

司馬文正公傳家集卷第十五

蘇州府學教授浦起龍校字